

Siunnersuummut oqaaseqaatit

## Oqaaseqaatit nalinginnaasut

### 1. Aallaqqaasiineq

#### 1.1. Siunnersuummut tunuliaqut

Immakkut angallatinik atorunnaarnikunik umiarsualivinniittunik peerneqanngisaannartunik Kalaallit Nunaanni assersuutissaqarpoq (immakkut angallatit ingutseriaannaat). Immakkut angallatit ingutseriaannaat ilaatigut pinngortitami uuliamik mingutsitseriaannaapput, tassungalu peqatigitillugu umiarsualivinnik ingerlatsinermi ajornartorsiutaallutik, tassa inissamik tiguisaramik tassungalu ilanngullugu immami ikkattumi kiveriaannaasarlutik. Naggataatigut peerneranni aningaasartuutit immakkut angallammik piginnittut akiliisinneqarsinnaanngippata pisortat imaluunniit namminersortut umiarsualivinnik piginnittut immakkut angallatit angallatikulluunniit peernissat akilissavaat.

Gromtmij|Carl Bro-p, ullumikkut Grontmij A/S-ip, 2009-mi upernaakkut Nuummi immakkut angallatit ingutseriaannaat misissornikuuai nalunaarsorlugillu. Nuup umiarsualiviani qeqertamilu Angisûnguami immakkut angallatit ingutseriaannaat 26-t 2009-mi nalunaarsorneqarput. Eqqagassanik passussisarnermik pilersaarummi 1996-imeersumi ilanngussaq 3-m Aasianni, Qaqortumi Ilulissanilu immakkut angallatit ingutseriaannaat takuneqartut takussutissiorneqarput. Illoqarfinni taakkunani immakkut angallatit angissusaat allanneqaratik 26-it, tallimat arfinillillu katillugit 37-it takuneqarput, Nuummi immakkut angallatit 26-t ilanngukkaanni immakkut angallatit 2009-mi 63-it.

Nuummi, Aasianni, Qaqortumi Ilulissanilu misissuinerit kiisalu Naatsorsueqqissaartarfimmit paasissutissat tunngavigalugit naliliisoqarpoq, Kalaallit Nunaanni immakkut angallatit ingutseriaannaat 2009-mi 70-100 missaaniittut, siunissamilu Kalaallit Nunaat tamakkerlugu immakkut angallatit ingutseriaannaat ukiumut tallimat qulillu akornanni ilasassasut. Tamanna tunngavigalugu missingerneqarpoq, immakkut angallatit ingutseriaannaat nuna tamakkerlugu ukiumut tallimanik ilasarpata 2017-imi 110-140-ssasut ukiumullu immakkut angallatinik qulinik ilasarpata 150-180-iussasut.

Nuummi immakkut angallatit ingutseriaannaat 50 %-iisa missaat qisummik sanaat 10-20 BRT-imik angissuseqarput (Bruttoregisterton), immakkullu angallatit 25 %-ii qisummik sanaat 25-100 BRT-iullutik aammalu immakkut angallatit tassaasut sisammik sanaat 100-400 BRT akornanni angissusillit. Nuummi nalunaarsuinermi paasineqarpoq, immakkut angallatit nalunaarsorneqartut ilaat immami ikkattumi kivisimasut ilaalluunniit kivisimasut.

Immakkut angallatit amerlanersaat ingutseriaannaat tassaapput aalisariutit kilisaatillu, aammali angallatit allat nalunaarsorneqartut assersuutigalugu tassaapput angallatit usisaatit, kalittaatit siorartaatillu. Immakkut angallatit ingutseriaannaat nalunaarsorneqartut amerlanersaat 40-t 50-illu akornanni pisoqaassuseqarput, angallatillu ataasiakkaat suli pisoqaanerullutik.

Inatsisartut inatsisissaattut siunnersuummi matumani immakkut angallatit angallatikulluunniit peerneqarnissaannik umiarsualivinniluunniit salinissamik peqqusinissamut piginnaatitsisoqarpoq, tamassumalu saniatigut immakkut angallatit angallatikulluunniit mingutsitseriaannaallutik, takuuk Avatangiisinik illersuineq pillugu Inatsisartut inatsisaat.

Inatsisartut inatsisissaattut siunnersuummi matumani siunertaavoq akisussaasup akiligaanik immakkut angallatit angallatikulluunniit peerneqarneranni aningaasartuutit matussuserneqarnissaannik pitsaanerumik periarfissaqarnissap qulakkeerneqarnissaa. Taamaalilluni pisortat imaluunniit umiarsualivinni suliffeqarfiit namminersortut immakkut angallatip angallatikulluunniit uninngatiinnarnerisigut akileeriataarsinnaaneq annikillisinneqassaaq.

Immakkut angallatit uloriartorsiortitsisinnaaneraneriin ajoqusiisinnaaneraniluunniit immakkut angallatit angallatikulluunniit peerneqarnissaannik peqqusinissamik pisinnaatitsinerup saniatigut, inatsisissatut siunnersuut angallat angallatikorluunniit ajoqutaappat, immakkut angallatip angallatikulluunniit peerneqarnissaannik peqqusisinnaanermik pisinnaatitsisoqarneranik imaqarpoq, assersuutigalugu, taakku kasuussaannermik ajoqusiippata, angallannermut allatulluunniit ingerlatsinernut ajoqutaappata imaluunniit umiarsualivinni aaqqiinerit ingerlannissaannut ajoqusiippata, assersuutigalugu ruujorilersuinermit imaluunniit nalinginnaasumik eqqiluutsuutitsinermut.

Immakkut angallatit angallatikulluunniit kusassaaneq pissutigalugu peerneqarsinnaanerit assersuutigalugu Norgemi ilisimaneqarpoq, tassani Kystverket kommunilluunniit kusassaanerit pissutigalugit immakkut angallatit angallatikulluunniit peerneqarnissaannik piginnittunut peqqusinissamut pisinnaatinnerqarlutik. Peerneqarnissaat imminut ikiorluni iliuuseqarnikkut pisinnaavoq. Norgemi aallaaviuvoq peerneqarnerat piginnittup akilissagaa, peerneqarneralli aamma pisortanit akilerneqarsinnaavoq.

Angallatikoq kialuunniit akisussaaffigiumanngisaa pingaarnepaatit malittarisassatut tassaassaaq arlaata igissimasaa iginneqarnissaanilluunniit kissaatigisaa. Angallatikoq taamaammat igitaassaaq.

Immakkut angallat angallatikunngorsimagaluarpalluunniit, immakkut angallammik piginnittup suli pigaa. Piginnittup angallatikup peerneqarnissaannik akisussaaffeqarpoq, tassunga ilanngullugu aningaasartuutit akilissallugit. Ileqqorineqartartutut immakkut angallammik puttasumilluunniit akisussaasoq tassaavoq inuk immakkut angallammik

puttasumilluunniit ingerlatsinermik akisussaasoq. Piginnittoq pingaarnertut malittarisassatut akisussaasuusaaq, allalli pissutsit tunngavigalugit akisussaatinneqarsinnaapput.

## **2. Siunnersuummi immikkoortut pingaarnertit**

### **2.1 Atuuffia nassuiaatillu**

Inatsisissatut siunnersuummi immakkut angallatinik angallatikunillu Kalaallit Nunaanni umiarsualivinniittunik malittarisassiortoqarpoq.

§ 4 immami angallatit, angallatikut, umiarsualiviit aamma umiarsualivinni oqartussat nassuiarneqarput. Inatsisissatut siunnersuummi § 4-mut oqaaseqaatit innersuussutigineqarput.

Naalackersuisut umiarsualiviit pillugit Inatsisartut inatsisaanni pisinnaatitsissut naapertorlugu sumiiffinni umiarsualivinni oqartussat suliassaq allanut suliakkiutigisinnaavaat. Pisinnaatitsissut siamasippoq, tassani umiarsualivinni oqartussat suliassaq suliffeqarfinnut namminersortunut Naalackersuisut suliakkiutigisinnaallugu, assersuutigalugu Royal Arctic Line A/S-imut aamma KNI Pilersuisoq A/S-imut, Kalaallit Nunaanni Namminersorlutik Oqartussanut tunngatillugu ingerlatsinermi nammineertutut inissisimasunut. Suliassanik suliakkiineq suliffeqarfinnut namminersortunut allanut umiarsualiveqarnermik immamilu angallannermik ilisimasaqartunut aammattaq pisinnaavoq.

Royal Arctic Line A/S-ip, Mittarfeqarfiit aamma KNI Pilersuisoq A/S-ip Namminersorlutik Oqartussat umiarsualiviini sumiiffinni umiarsualivinni oqartussaaneq 1993-imiilli periaasiusimavoq. Umiarsualivinnik ingerlatsineq umiarsualivinnilu oqartussaaneq Namminersorlutik Oqartussat aamma suliffeqarfiit pineqartut akornanni isumaqatigiissutinik tunngaveqarpoq. Taamatut suliassanik suliakkiinermut tunngaviupput pissutsit immikkut ittut tamassuminnga tunngavissaqartitsisut, pingaartumik suliassanik ingerlatsinermi isumalluutinilu pissutsit.

Umiarsualiviit pillugit Inatsisartut inatsisaat naapertorlugu pisinnaatitsissut ilanngunneqarnikuvoq, sumiiffinni umiarsualivinni oqartussaaneq suliassaq suliffeqarfinnut namminersortut pillugit inatsisit tunngavigalugit pilersinneqartunut aammalu umiarsualivinnik immamilu angallannermik ilisimasalinnut kommunalbestyrelsit suliakkiutigisinnaavaat.

Naalackersuisut Inatsisartut inatsisaat naapertorlugu, umiarsualivinnik inuussutissarsiuutigalugu assartukkanik sullissinermut, inunnit aamma aalisakkanik tulaassinermut atorneqartartunik namminersortunit pigineqartunik sanaartornissamik, allilerinissamik ingerlatsinissamillu akuersissuteqarsinnaapput. Akuersissummik piginnittoq Inatsisartut inatsisaat una naapertorlugu umiarsualivinnik namminersortunit pigineqartuni umiarsualivinni pisortaavoq. Maannakkut umiarsualivik namminersortunit pigineqartoq ataasiuvoq, Nuummi umiarsualivik, suliffeqarfimmit Sikuki Nuuk Harbour A/S-imit

pigineqartoq. Suliffeqarfimmi aktiaatit tamarmik Naalakkersuisunit aningaasaliiffigineqarput uppersarneqarlutillu, suliffeqarfillu Kalaallit Nunaanni Namminersorlutik Oqartussanit 100 %-imik pigineqarpoq.

Umiarsualivinni oqartussat suliassaat Inatsisartut inatsisaat manna naapertorlugu tassaapput immami angallatit angallatikullu peerneqarnissaannik peqqusinissaq, immami angallatit angallatikullu peerneqarnerat kiisalu taamatut iliornermi aningaasartuutaasut taarserneqarnissaannik piumasaqaateqarneq.

## **2.2 Peerneqartarnerat nalunaaruteqartarnerlu**

Kapitali 2-kkut siunnersuutigineqarpoq Umiarsualivinni Oqartussat tikinneqarsinnaaneq, toqqissisimanartumik angallannissaq, kusanartuutitsinissaq, allatut atuinissaq umiarsualivinnilluunniit ingerlatsineq eqqarsaatigalugit immakkut angallatinik angallatikunilluunniit akisussaasut naleqquttumik piffissaqartillugit immakkut angallatit angallatikulluunniit peerneqarnissaannik peqqusinnaanerannik pisinnaatitsisoqassasoq.

Immakkut angallatit angallatikulluunniit nalinginnaasumik immakkut angallannerup ilaatut umiarsualivimmiippata imaluunniit immikkorluinnaq pisoqarneratigut pisariaqarallarpas, immakkut angallatit angallatikulluunniit peerneqarnissaannik Umiarsualivinni Oqartussat peqqusinnaanngillat. Immikkorluinnaq pisoqarnera imatut paasineqassaaq pissutsit immikkut ittut angallammik piginnittut ingerlatsinermiluunniit akisussaasut aqussinnaanngisaat, assersuutigalugu angallammi ikuallattoorneq. § 5-imut oqaaseqaatit innersuussutigineqarput.

Isumannaatsumik immakkut angalasarneq, angallatip isumannaatsuunissaa avatangiisinillu ajoqusiinnginnissaq qulakkeerniarlugit pisinnaatitsissut atuutilersinneqarpoq, Umiarsualivinni Oqartussat akisussaasup akiligaanik isumannaatsumik immakkut angallannissaq, angallatip isumannaatsuunissaa avatangiisinilluunniit ajoqusiinnginnissaq qulakkeerniarlugit immakkut angallat angallatikorluunniit isumagisinnaagaat, immakkut angallat angallatikorluunniit umiarsualivimmut assigisaannalluunniit inississinnaagaat, immakkut angallammi angallatikumiluunniit taassumaluunniit silataani nalunaaqutsiisinnaasut imaluunniit immakkut angallat angallatikorluunniit pisariaqartunik atortulersinnaagaat il.il.

Kalaallit Nunaanni angallatit Angallatinik Nalunaarsuiffimmi Nalinginnaasumi (DAS) imaluunniit Angallatinik Allattuiffimmi (FTJ) nalunaarsorneqartarput. DAS qitiusumik Danmarkimi Søfartsstyrelsemi nalunaarsuiffiusarput. Kalaallit Nunaannut angallatinik nalunaarsuineq sumiiffinni kommunini ingerlanneqartarpoq. Nuummi angallatinik nalunaarsuiffik Søfartsstyrelsip naalagaaffiup immikkoortuani allaffiani isumagineqartarpoq.

DAS-imi aamma FTJ-imi nalunaarsorneqartarput piginnittuunermi pissutsit, ateq, angerlarsimaffik angallatillu normua ilisarnaat. DAS-imi aamma qularnaveeqquusiissutit pillugit pisussaaffiit nalunaarsorneqartarput. Kalaallit Nunaanni angallatit

inuussutissarsiornermi atorneqartartut tamarmik, tassunga ilanngullugit aalisariutit, nalunaarsorneqassapput.

Angallatinut inuussutissarsiornermi atorneqartartunut aalisariutinullu malittarisassat uku atuupput:

- Angallatit inuussutissarsiornermi atorneqartartut tamarmik DAS-imi imaluunniit FTJ-imi nalunaarsorneqassapput.
- Angallatit inuussutissarsiornermi atorneqartartut 20 sinnerlugit bruttotonnageallit tamatigut DAS-imi nalunaarsorneqartassapput.
- Angallatit inuussutissarsiornermi atorneqartartut 5 ataallugit bruttotonnageallit tamatigut FTJ-imi nalunaarsorneqartassapput.
- Angallatit inuussutissarsiornermi atorneqartartut 5 aamma 20 bruttotonnageallit nalunaarsuiffinni taakkunani marlunni sorlermi nalunaarsorneqassanersut toqqarneqarsinnaavoq, qularnaveeqqusiisoqarsimappalli DAS-imi nalunaarsorneqartassapput.

Angallatinut nuannaariartaatinut malittarisassat uku atuupput:

- Angallatit nuannaariartaatit 20 sinnerlugu bruttotonnageallit tamatigut DAS-imi nalunaarsorneqartassapput.
- Angallati nuannaariartaatit 5 sinnerluguluunniit kisiannili 20 ataallugit, bruttotonnageallit piginnittup qinnuiviginninneratigut DAS-imi nalunaarsorneqarsinnaapput.

Umiatsiaaqqat, angallatit nuannaariartaatit asigisaallu 5 ataallugu bruttotonnageallit nalunaarsuiffinni suniluunniit nalunaarsorneqarneq ajorput. Umiatsiaaqqat, angallatit nuannaariartaatit assigisaallu pillugit pisinnaatitaaffinnik pisussaaffinnik nalunaarsuineq piginnittup aqqa inuttullu normua inunnik allattuiffimmi pisinnaavoq. Taamaammat immami angallatit 5 ataallugu bruttotonnageallit pillugit piginnittusoq piginnaatitaaffeqartorluunniit Umiarsualivinni Oqartussat nalunaarsuiffinni taakkunani kinaassusersisinnaassanngilaat, tassa kinaassusersineqassappat piginnittup aqqa ilisimaneqareertariaqarmat.

Immakkut angallatip angallatikulluunniit peerneqarnissaanik peqqusineq immakkut angallammik angallatikumilluunniit akisussaasumut Umiarsualivinni Oqartussat nassitutissavaat. Qulaani taaneqartutut umiatsiaaqqat, angallatit nuannaariartaatit angallatillu 5 ataallugu bruttotonnageallit nalunaarsuiffinni suniluunniit nalunaarsorneqarneq ajorput. Tamassumunnga ilanngunneqassaaq najukkap allanngornera DAS-imi FTJ-imilu tamatigut nalunaarsorneqarneq ajortoq. Umiarsualivinni Oqartussat taamaammat immakkut angallammik angallatikumilluunniit akisussaasoq tamatigut kinaassusersisinnaasassanngilaat.

Immakkut angallammik akisussaasup kinaassusiata ilisimaneqannginnera immakkut angallatip angallatikulluunniit peernissaanik suliaqarnermut akornutaassanngimmat, siunnersuutigineqarpoq pisinnaatitsisoqassasoq Umiarsualivinni Oqartussat piginnittup

taassumaluunniit sumiinnera ilisimaneqanngippat angallammi angallatikumiluunniit allagarsiinikkut imaluunniit nuna tamakkerlugu aviisitigut nalunaaruteqarnikkut peqqusineq nalunaarutigisinnaagaat.

Isumannaatsumik immakkut angallattoqarnissaa, angallatip isumannaatsuunissaa avatangiisillu ajortinneqannginnissaq qulakkeerniarlugit siunnersuutigineqarpoq pisinnaatitsisoqassasoq, Umiarsualivinni Oqartussat akisussaasup akiligaanik isumannaatsumik immakkut angallannissaq, angallatip isumannaatsuunissaa avatangiisinilluunniit ajoqusiinnginnissaq qulakkeerniarlugit immakkut angallat angallatikorluunniit isumagisinnaagaat, immakkut angallat angallatikorluunniit umiarsualivimmu assigisaannalluunniit inississinnaagaat, immakkut angallammi angallatikumiluunniit taassumaluunniit silataani nalunaaqutsiisinnaasut imaluunniit immakkut angallat angallatikorluunniit piariaqartunik atortulersinnaagaat il.il.

Kalaallit Nunaanni umiarsualiviit immakkut angallatit angallatikkulluunniit Umiarsualivinni Oqartussat piigaasa inissaqartinneqarnissaasa qulakkeerneqarnissaa pisussaaffigaat. Peerneqarneranni nalunaaqutsiinermilu Umiarsualivinni Oqartussat aningaasartuutaat immakkut angallammik angallatikumilluunniit akisussaasumut akilersinneqarsinnaapput.

### **2.3 Peerneqartarnerat nalunaaruteqartarnerlu**

Kapitali 3-kku siunnersuutigineqarpoq pisinnaatitsisoqassasoq immakkut angallatit angallatikulluunniit naleqanngitsut Umiarsualivinni Oqartussat peersinnaagaat.

Peerneqarnissaanni piumasaqaataavoq Umiarsualivinni Oqartussat naliliisartumik sumulluunniit attuumassuteqanngitsumik naliliisitsisimanissaat, tassani ersissalluni immakkut angallat angallatikorluunniit naleqanngitsoq imaluunniit taassuma nalingata tunisinermi aningaasartuutissatut missingerneqartut qaanginngikkai.

Ilimagineqarpoq peerneqarnerat immakkut angallammik piginnittumut pisinnaatitaaffeqarsinnaasunulluunniit nalinganik annikillisitsisumik aserorterinermik allatulluunniit suujunnaarsitsinermik kinguneqakkajussasoq. Tamanna pinngitsaaliissummik taarsiissutitalimmik pigisanik piginnikkunnaarsitsinertut isigineqarsinnaammat siunnersuutigineqarpoq aalajangersakkamik ilanngussisoqassasoq, taanna malillugu Umiarsualivinni Oqartussat piginnittoq pisinnaatitaaffeqartutullu ilisimaneqarsinnaasut allat toqqaannartumik imaluunniit immami angallammi allagarsiinikkut nalunaarfigissallugit. Toqqaannartumik nalunaaruteqartoqarsinnaanngippat, immakkut angallammik peersinissamik aalajangiineq nuna tamakkerlugu aviisitigut nalunaarutigineqassaaq, taamaalilluni piginnittup piginnaatitaaffeqarsinnaasullu peerneqarnissaanik aalajangiineq isumaqatiginngikkunikku soqutigisatik isumagisinnaaniassammatigit.

Immakkut angallat angallatikorluunniit peerneqassanngilaq, Umiarsualivinni Oqartussat aalajangiinerisa Naalakkersuisunut naammagittaalliutigineqarnissaanut piffissaritataq

naatinnagu imaluunniit Naalackersuisut aalajangiinerisa Kalaallit Nunaanni Eqqartuussivimmuut suliaassanngortinnissaanut piffissarititaq naatinnagu, annertunerusut pillugit ataani immikkoortoq 2.5 takujuk.

#### **2.4 Pinngitsaaliissummik tunisineq**

Kapitali 4-kkut siunnersuutigineqarpoq pininnaatitsisoqassasoq, Umiarsualivinni Oqartussat immakkut angallat angallatikorluunniit akisussaasup akiligaanik tamanut ammasumik kaattaassinikkut pinngitsaaliissummik tunisinnaagaat.

Immakkut angallammik angallatikumilluunniit akisussaasup, Umiarsualivinni Oqartussat immakkut angallatip angallatikulluunniit peerneqarnerani, isumaginerani, nalunaaqutsernerani imaluunniit pinngitsaaliissummik tunineqarnerani aningaasartuutaat akilertussaavai.

Umiarsualivinni Oqartussaasut immakkut angallammik angallatikumilluunniit pinngitsaaliissummik tunisinermi aningaasartuutunik piumasaqaataanni immamiittunik qularnaveeqqusiinermi pininnaatitaaffiit ilaanngillat, taamaammallu immamiittunik qularnaveeqqusiinermi pininnaatitaaffiit qularnaveeqqusiinermilu pininnaatitaaffiit ataqqineqassapput. Imarsiorneq pillugu inatsimmi § 76-imi aalajangersakkat malillugit taamaallaat pinngitsaaliissummik tunisinermi, eqqartuussisoqarnermi sulineq pillugu inatsit naapertorlugu ingerlanneqartumi, qularnaveeqqusiinermi piginnaatitaaffiit matussuserneqanngitsut atorunnaarnerannik kinguneqarsinnaavoq. Tamanna tunngavigalugu naliliisoqarpoq immakkut angallatinik angallatikumilluunniit pinngitsaaliissummik tunisinerit eqqartuussisoqarnermi sulineq pillugu inatsimmi pinngitsaaliissummik tunisisarnermut malittarisassat naapertorlugit pisassasut.

Inatsisissatut siunnersuummi piginnaatitsissut ilanngunneqarpoq, Umiarsualivinni Oqartussat immakkut angallammik pinngitsaaliissummik tunisinissamik aalajangernerat tassaasoq akiliisitsiniartartup ikiuineratigut piumasaqaatinik pinngitsaaliissummik atuutilersitsinermi tunngavik, taamaalilluni Umiarsualivinni Oqartussat pinngitsaaliissummik tunisinissamik aalajangiinerat tunngavigalugu immakkut angallatip angallatikulluunniit akiliisitsiniartarnermik eqqartuussivik aqutigalugu tunineqarnissaa piumasarisinnaavaat.

Eqqartuussisoqarnermi sulineq pillugu inatsimmi malittarisassat atorneqarnerisigut, pisisup, aningaasat neqeroortigineqartut saniatigut, pinngitsaaliissummik tunisinermi Umiarsualivinni Oqartussat aningaasartuutaat akilissavai.

Immakkut angallammik angallatikumilluunniit akisussaasup kapitali 2 naapertorlugu angallatip peerneqarnerani nalunaaqutserneranilu Umiarsualivinnut Akisussaasut aningaasartuutai akiligassarai.

#### **2.5 Naammagittaalliortarneq pineqatissiinerillu**

Kapitali 5-ikkut erseqqissarneqarpoq Umiarsualivinni Oqartussat aalajangigaat Naalakkersuisunut naammagittaalliutigineqarsinnaasut kiisalu Naalakkersuisut aalajangigaat Kalaallit Nunaanni Eqqartuussivimmut suliarinnittussat siullertut suliassanngortinneqarsinnaasut. Kalaallit Nunaannut eqqartuussisoqarnermi sulineq pillugu inatsit 1. juli 2014 atuutilersumik allanngortinneqarpoq, taamaalilluni inuit akornanni suliassat Kalaallit Nunaanni Eqqartuussivimmut suliarinnittussat siullertut suliassanngortinneqartussasut. Allanguinerli eqqarsaatigineqarpoq allanguutaagallassoq, taamaalilluni kredsrettini suliassat ikilisinneqareerpata eqqartuussisoqarnermi sulineq pillugu inatsit allanngorteqqinneqassasoq, tamassumalu kingorna inuit akornanni suliassat kredsrettinut suliarinnittussat siullertut suliassanngorteqqinneqartaleqqissallutik. Naliliisoqarpoq inatsit una naapertorlugu aalajangiinerit Kalaallit Nunaanni Eqqartuussivimmut suliarinnittussat siullertut suliassanngortinneqartassasut. Taamaammat eqqartuussisoqarnermi sulineq pillugu inatsisip oqaasertaa eqqarsaatiginagu siunnersuutigineqarpoq Umiarsualivinni Oqartussat aalajangiineri Kalaallit Nunaanni Eqqartuussivimmut suliarinnittussat siullertut suliassanngortinneqartassasut.

Suliamik soqutigisaqavissut Naalakkersuisut aalajangiineri Kalaallit Nunaanni Kalaallit Nunaanni Eqqartuussivimmut suliassanngortissinnaavaat. Soqutigisaqavissoq imatut paasineqassaaq suliamik nammineq annertuumik soqutigisaqartoq. Tamassuma kingoraa aalajangiiffigineqartut Naalakkersuisut aalajangigaat Kalaallit Nunaanni Eqqartuussivimmut suliassanngortinneqarsinnaasut, aammali immakut angallammik angallatikumilluunniit qularnaveeqqusiinikut piginnaatitaaffeqartullu allat Naalakkersuisut aalajangigaat Kalaallit Nunaanni Eqqartuussivimmut suliassanngortissinnaavaat.

Naalakkersuit aalajangigaannik Kalaallit Nunaanni Eqqartuussivimmut suliassanngortitsinissamat piffissarititaq tassaavoq aalajangiinerup pineqartumut apuunnerata imaluunniit nuna tamakkerlugu nalunaarutigineqarnerata kingorna sapaatit akunneri sisamat.

### **3. Pisortanut aningaasatigut allaffissornikkullu kingunissai**

Immakut angallatit inissineqarnikut qimaannakkallu pillugit malittarisassat immakut angallatit taamaattut peerneqarneranni aningaasartuuteqarnermik kinguneqarsinnaapput, tassunga ilanngullugit umiarsualimmut inissiinermi peerneqarneranniluunniit aningaasartuutit. Namminersorlutik Oqartussat kommunillu tassunga atatillugu immakut angallammik akisussaasoq akiliisinnaassanngippat imaluunniit naleqannginnera imaluunniit qularnaveeqqusiisimasut immakut angallammik tunisineri aserorterinermiluunniit isertitanik siulliullutik pissarsiaqarsinnaanerata pissutigalugu aningaasartuuteqalersinnaapput. Erseqqissarneqassaarli inatsisissat siunnersuut tassunga atatillugu toqqaannartumik ingerlaannartumilluunniit aningaasartuutaanngitsoq, tassa inatsisissat siunnersuummi taamaallaat aalajangersakkanik iliuusissanik aallartitsinissamat periarfissiisunik atuutilersitsisoqarmat. Taamatut periarfissap atorneqarnissaa kissaatigineqarpat, tamassuminnga aningaasalersuinissaq tamassumunnga immikkut aningaasaliisoqarsinnaanera immikkut isummerfigineqassapput.



Immakkut angallatit angallatikulluunniit qimaannakkat peernerini peersinneqarsinnaanerannilu aningaasartuutit eqqorluartut oqaatigiuminaapput. Aningaasartuutitut ilaatigut apeqqutaapput immakkut angallatip angallatikulluunniit angissusaat, suuneri aserfallatsaalineqarnerallu apeqqutaapput.

Nunani allani suliffeqarfiit arlallit, assersuutigalugu Danmarkimit Islandimullu, angallatit nunani allani aserortigassanngorlugit assartorneqarnissaat siunertaralugu umiarsuit sisammik sanaat (100-400 BRT) takussutissamik akiliillutik pisiarinissaannik soqutiginnillutik oqaatiginikuuat. Suliffeqarfinnut taakkununga pissarsiaq tassaavoq angallammi sisammik saviminermillu kiilumut pissarsiarisinnaasaat.

Qeqertarsuarmi aalisariutip kivinikup 22,2 bruttotonseqartup peerneqarnissaanik 175.000 kr.-inik missingiinermit Namminersorlutik Oqartussat 2013-imi pissarsinikuupput. Missingiinermit taamaallaat angallatip imaanit qaqqinnera, tamassumali kingorna angallatip kalinneqarsinnaanera, atortuunik piiasannaaneq aserortersinnaanerlu ilanngunneqanngillat.

Nalunaarusiami ”Kalaallit Nunaanni angallatit ingutseriaannaat peerneqarnissaannut siunnersuut Inatsisit periutsillu” Grontmij|Carl Bro-mit, ullumikkut Grontmij A/S-imit, 2009-mi suliarineqartumi allaqqavoq immikkut angallatit mikinerusut ingutseriaannaat 10 BRT-init (Brutto Register Tons) mikinerusut sumiiffinni peerneqarsinnaasut. Immikkoortoq 6.1-imi allaqqavoq:

”Angallatit nuannaariartaatit, umiatsiaaqqat angallatillu mikinerusut 10 BRT ataallugu angissusillit qisuit glasfiberillu nunami passunneqarsinnaapput sumiiffinnilu ingutserisoqarsinnaalluni. Aserorterineq ajornanngikannerpoq ingerlanneqarsinnaallunilu angallatit nunamut qaqqinnerisigut qitiusumillu aserortersarfimmut, assersuutigalugu eqqaaviup eqqaanut, assartorneqarsinnaallutik.

Oqaatigineqareersutut Nuuk Kommunemi nalinginnaasumik periaasiunikuuvoq, angallatit ingutseriaannaat mikinerusut, tassa umiatsiaaqqat assigisaallu 10 BRT-mit mikinerusut Nuuk Imeq-up eqqaanut uninngatinneqarnissaannik innersuussisarneq, tassa angallat angissusaat pissutigalugu ingutserneqarsinnaammata saviminernillu eqqaavimmi uninngatinneqarsinnaallutik ikuallanneqarsinnaallutilluunniit.”

#### Piiaaneq (suliarinneqaarneq)

Immakkut angallatit ingutseriaannaat, inaarutaasumik igitsinermi periusissamik toqqaaneq apeqqutaatinnagu, suliareqqaarneqassapput. Taamatut suliarinneqaarneq tassaavoq immakkut angallammi ingutseriaannarmi pequtinik tamassuma kingorna passussisinnaanermi avatangiisinik sulisullu peqqissusaannik ulorianartorsiortitsisinnaasunik piiaaneq.

Nalunaarusiami ”Kalaallit Nunaanni angallatit ingutseriaannaat peerneqarnissaannut siunnersuut Inatsisit periutsillu” Grontmij|Carl Bro-mit, ullumikkut Grontmij A/S-imit, 2009-mi suliarineqartumi piiaanermi aningaasaqarneq pillugu immikkoortoq 6.2.3-mi allaqqavoq:

”Kalaallit Nunaanni suliffeqarfiup Greenland Mining Service A/S-ip ilisimatitsissutigaa angallammi agguaqatigiissillugu 20 BRT missaannik angissusilimmi piianeq 35.000 kr. missaanni akeqartussatut nalilerneqarpoq, tassani ilanngunnagit atortuinik ataasiakkanik igitsinermut aningaasartuutit.

Danmarkimi suliffeqarfik aserorterisarfik Smedegaarden A/S paasissutissiivoq angallatip sisaap 200-300 BRT-isup assersuutigalugu aserorterneqarnissaanut inuit sisamat sapaatip akunnerani sisamani piareersaasinnaasut. Piiaaneq inunnit ilinniarsimasunit ingerlanneqartussaammat immikkut atortut atorneqartussaammata, naliliisoqarpoq aningaasartuutit 150.000 kr. missaanniissasut, tassani atortunik ataasiakkanik igitsinermi aningaasartuutit ilanngunnagit.

Nuup Amutsiviata tamassuma kingorna saaffiginninnermi paasissutissiissutigaa angallammi qisummik 20-60 BRT missaaniittumi aamma angallammi sisammik 180 BRT missaaniittumi piiaarnerup akia tamassuma assinganik qaffasissuseqassasoq.

Atortunik ataasiakkaanik immikkut suliassanngorlugit igitsineq, angallatinut qisunnut 20 NRT-inut 15.000 kr.-nut missingerneqarpoq, angallatinullu sisammik sanaanut immikkut suliassanngorlugit igitsineq 30.000 kr. missaannut missingerneqarluni.”

#### Aserorterineq

Angallatinik ingutseriaannarnik 10 BRT-it missaannit anginerusunik aserorterineq angallatinik agguaanikkut pissaaq, tamassumalu kingorna immikkoortualuttai avatangiisinut ajoqutaanngitsumik iginneqarsinnaallutik.

Angallatip timaanit angallatillu iluanit qisuit, glasfiberit plastikkillu ikuaallaavimmut iginneqarsinnaapput. Maskinat atortui, soorlu motorit, spilit assigisaallu eqqarsaatigalugit aserfallatsaaliorderi apeqqutaatillugu toqqaannartumik atoqqinneqarsinnaapput, angallatillu timaanit, sarpinnit ruujorinillu savimerngit, atorneqaqqinneranni akia uuttuutaasullu akia aningaasaqarnermi illersorneqarsinnaappata, assersuutigalugu Danmarkimi atoqqitassanngorlugit nassiunneqarsinnaassapput.

Nalunaarusiami ”Kalaallit Nunaanni angallatit ingutseriaannaat peerneqarnissaannut siunnersuut Inatsisit periutsillu” Grontmij|Carl Bro-mit, ullumikkut Grontmij A/S-imit, 2009-mi suliarineqartumi piaanermi aningaasaqarneq pillugu immikkoortoq 6.3.2-mi allaqqavoq:

”Angallatit aserfallatsaaliugaanerat assigiinngisitaartorujussuummat, naliliisoqarpoq angallatinik aserorterinermi aningaasaqarneq nalorninartorujussuusoq.

*Angallatit qisuit (10-100 BRT)*

Angallatinik qisunnik aserorterineq angissusiat tunngavigalugu amutsivimmi ingerlanneqassaaq. Greenland Mining Services A/S-mit paasissutissiissutit tunngavigalugit naliliisoqarpoq angallatinik qisunnik 20-40 BRTakornanniittunik aserorterineq 225.000 kr. missaanni akeqassasoq.

Angallammik qisummik 20 BRT missaanniittumik ingutserinermi atortunik ikuallaasarfimmut igitsineq 30.000 kr. missaannut nalilerneqarpoq. Akiani ilaapput ikuallaasarfimmut assartuineq, annikitsukkaarlugit agguineq igitassanullu akiliutit. Tassa angallammik qisummik 20 BRT missaanniittumik aserorterineq atortut aserortikkat iginnerat ilanngullugu 255.000 kr. missaanni akeqassaaq.

Nuuk Værft A/S tamassuma kingorna ilisimatitsivoq angallatip qisuup 10-100 BRT-ip aserorternerata akia agguaqatigiisillugu 50.000 kr. missaaniissasoq (kiilumut 1-2 kr missaani). Tassa aningaasartuutit tamarmiusut aserorterinermi atortut iginnerat ilanngullugu katillugit 80.000 kr.-nik akeqassaaq.

Namminersorlutik Oqartussat, Nunamut Namminermut, Pinngortitamut Avatangiisinullu Naalakkersuisoqarfik angallatip Isortoq Avannarliup qinnguaniittup peernissaanut 2008-mi juunimi neqerooruteqartitsivoq. Neqeroorummi ersippoq peersineq nammineq, tassa aserorterineq nammineq, 150.000 kr.-nik akeqassasoq.

Tassa imaappoq, angallammik 20 BRT missaanik angissusilimmik aserorterinermi akip inissisimaffia 80.000-it - 225.000 koruunit akornanniissaaq aserortikkat iginnissaat ilanngullugit. Angallatinik qisunnit sanaajusumit agguaqatigiisillugu aserortikkat iginnissaat ilanngullugit 180.000 koruuninut aalajangerneqarsimavoq.

Akit assigiinngisitaartut takutippaat, aningaasartuutissatut missingerneqartut nalorninartorujussuusut, inaarutaasumillu akimik aalajangiineq aatsaat suliaassamik aalajangersimasumik neqerooruteqartitsermi pisinnaasoq.

Angallatinik sisannik isaterinermit akinik pissarsinermi immikkoortumi tullermi allaaserineqartumi tamannattaq atuuppoq.

Aserorterinermi amutsivimmik atuinermit taarsiullugu umiarsualiviup eqqaani aserorterivimmik pilersitsisoqarsinnaavoq. Taamaattumut aningaasaliissutit 250-500.000 kr.-nut missingerneqarput. Aserorteriviup taamaattup nalikillilernera aningaasani qulaani taaneqartuni ilanngunneqanngilaq.

*Angallatit sisaat (100-400 BRT)*

Angallatinik sisannik aserorterinermi immikkut atortut atorneqarnissaat pisariaqarpoq, assersuutigalugu aserorterinermit qiuussuit entreprenørit maskiinaannut ikkunneqartartut taamaalillunilu aserorterivimmi pilersinneqartartut. Suliassaq suliffeqarfiit nunanit allaneersut atorlugit aaqjissuunneqarsinnaavoq, taakkualu suliassap suliarinissaanut atortut naleqquttut nassarsinnaavaat imaluunniit sumiiffimmi sanaartukkanik atortunik pilersitsisoqarsinnaavoq, atortut naleqquttut pisiarinerat ilanngullugu.

Smedegaarden A/S-imit aamma Nakskov Havn-imit paasissutissiissutit tunngavigalugit naliliisoqarpoq angallammik sisammik 200 BRT missaaniittumik aserorterineq 450.000 kr. missaanni akeqassasoq. Akia aalajangerneqarpoq aserorterinerup assersuutigalugu suliffeqarfik avataaneersoq atortut il.il. naleqquttunik nassartup ukiumut ataasiarluni ingutserisarnissaa tunngavigalugu. Atortunik Danmarkimiit Kalaallit Nunaannut assartuine siumut utimullu nalilerneqarpoq 250.000 kr. missaanni akeqassasoq. Aningaasartuutitut ilassat taanna angallatit sisannut ataatsikkut aserorterneqartut amerlassusiat tunngavigalugu agguanneqassaaq.

Nuummi Amutsivik tamassuma kingorna saaffiginninnermi ilisimatitsivoq nalilerlugu angallammik 180 BRT-imik angissusilimmik aserorterineq 340.000 kr. missaaniissasoq (kiilumut 1-2 kr. missaanni)

Angallammik sisammik aserortikkat eqqaavimmi uninngatitassanngorlugit uninngatitassat peerneqarnerat 100.000 kr. missaanni missingerneqarpoq. Akiani ilaapput usilersuineq, eqqaavimmut assartuineq eqqakkanullu akiliut. Tassa angallammik sisamik ataatsimik 200 BRT-imik aserorterineq aserortikkat peerneqarnerat ilanngullugu 440.000 – 550.000 kr akeqassaaq. Agguaqatigiissitsigaanni angallammik sisammik aserorterineq 500.000 kr.-inut aalajangerneqarput, aserorterneqartut peerneqarnerat ilanngullugu.

Sisaat saviminerillu assersuutigalugu Danmarkimut suliareqqinneqartussanngorlugit nassiuunneqassappat ilimagineqarsinnaavoq, assartuinermit aningaasartuutit tonsimut minnerpaamik 800 kr.-ussasut.

Tassunga ilanngunneqassaaq suliareqqiivimmumt assartuisinnaaneq. Aningaasaqarneq eqqarsaatigalugu taamaalilluni saviminernik suliareqarnikunik tigooqqaavimmumt tunisinermi akia tonismumt minnerpaamik 1.000 kr. missaaniissasoq.

*Kalaallit Nunaanni aserorterivimmik ataavartumik pilersitsinermi aningaasartuutit*

Tassunga taarsiullugu Nuummi imaluunniit Kalaallit Nunaanni sumiiffimmi allami ataatsimi arlinniluunniit aserorterivimmik ataavartumik pilersitsisoqarsinnaavoq.

Qiuussuumt hydalikkiumt maskiinamumt assaassumumt ikkutassap akia 1,5 mio. kr. missaaniippoq. Maskiina qiuussuaarmik ikkussivissaq taamatut angitigisoq 3 mio. kr. missaani akeqarpoq. Tamassuma saniatigumt maskiina mikinerusooq annikitsunngorlugit agguissinnaasoq immikkoortiterisinnaasorlu pisariaqassaaq. Maskiinap taamaattup akia tigusissumt, kajungerisaaq qiuussuarlu aserorterumt ilanngullugit 3,5 mio. kr. missaani akeqarpoq.

Akiata qaavatigumt naatsorsuumtiginooqassapumt nassiussineq, maskiinanik aqutsisartumt Danmarkimi ilinniartinnerat il.il.

Pisinerumt aningaasartuutit tamarmiumt taamaammumt ukuussapumt:

Aserorterivimmik pilersitsineq	0,5 mio. kr.
Entreprenørit maskiinaat angisuumngorlugit aserorterutissat	3,0 mio. kr.
Qiuussuaq hydraulikkiumsoq angisuumngorlugit agguissutissaq	1,5 mio. kr.
Annikitsunngorlugit agguinissamumt entreprenørit maskiinaaqiuussuaq, tigusissumt kajungerisarlu ilanngullugit	3,5 mio. kr.
Nassiussineq, ilinniartitsineq il.il.	0,5 mio. kr.
<b>Katillugit</b>	<b>9,0 mio. kr.</b>

Aserorterivimmik pilersitsinermik immikkullu atortunik pisinerumk piffissaq nalikilliliiffissaq nalilerneqarpoq ukiut 15-iussasumt. Nalikilliliinermumt ernialiinermullu ukiumoortumik aningaasartuumt ukiumumt 6 %-iutillugu piffissarlu nalikilliliiffik ukiut 15-iutillugit ukiumumt 927.000 kr-ussapumt.

Aningaasaqarneq eqqarsaatigalugu Nuummi imaluunniit Kalaallit Nunaanni sumiiffimmi ataatsimi arlanniluunniit aserorterivimmik ataavartumik pilersitsisoqarsinnaappat, tassani pisariaqarpoq angallatit aserorteriaannaat Kalaallit Nunaanni illoqarfinit allaneersumt aserorterivimmi/-nni aserorterneqartarnissaat kiisalu atortumt atornerarfissaannik entreprenørit suliassaqarnissaat. Immikkoortoq 2.4.1 naapetorlugu naliliisoqarpoq Kalaallit

Nunaanni tamarmi angallatit aserorteriaannaat peerneqartussat ukiumut tallimanik qulinik ilasassasut.”

### *Tinugutsitsineq*

Angallatinik tinugutsitsineq imatut paasineqassaaq angallatinik tinittarfimmumut ulittarfimmullu ikkattumut inissiineq, taamaalilluni tinittarnera ulittarneralu pissutigalugu angallat tassaniissinnaalluni. Tinugutsitsivik takuneqarsinnaajagussaaq tunngaviumillu tikinneqarsinnaassalluni.

Tinugutsitsineq uningatitsigallarnertut isigineqarsinnaavoq, angallatinik kingusinnerusukkut aserortersinnaanermik ammaassisoq.

Nalunaarusiami ”Kalaallit Nunaanni angallatit ingutseriaannaat peerneqarnissaannut siunnersuut Inatsisit periutsillu” Grontmij|Carl Bro-mit, ullumikkut Grontmij A/S-imit, 2009-mi suliarineqartumi pianaanermi aningaasaqarneq pillugu immikkoortoq 6.4.2-mi allaqqavoq:

”Naliliisoqarpoq angallammik 20 BRT missaaniittumik sumiiffimmumut toqqakkamut kalitsineq 30.000 kr. missaani akeqassasoq, angallamillu tinutititsineq 10.000 kr. missaani akeqassasoq, tassa katillugit 40.000 kr. missaani.

Naliliisoqarpoq angallammik 200 BRT missaaniittumik sumiiffimmumut toqqakkamut kalitsineq 50.000 kr. missaani akeqassasoq, angallammillu tinutititsineq 20.000 kr. missaani akeqassasoq, tassa katillugit 70.000 kr. missaani.

Angallat imarsiutigineqarsinnaanngippat, kalitsinissamik piareersaaneq aningaasartuuteqarnerunermik kinguneqassaaq.”

### Allaffissornikkut kingunissai – Namminersorlutik Oqartussat

Sumiiffinni umiarsualivinni oqartussat, inatsit manna naapertorlugu aallaaviumik peqqusisussaapput, naggataatigullu immakkut angallatip angallatikulluunniit peerneqarnissaanik pinngitsaaliissumillu tunineqarsinnaaneranik aalajangiisussaallutik. Umiarsualivinni oqartussat imuarsualivinni malittarisassat pillugit Namminersornerullutik Oqartussat peqqissutaanni ½ 17 naapertorlugu immakkut angallatit angallatikullu peerneqarnissaanik peqqusinissamut pisinnaatitaapput kiisalu immakkut angallatip angallatikullu piginnittup akiligaanik tunisisitsisinnaallutik. Naliliisoqarpoq inatsisissatut siunnersuut Umiarsualivinni Oqartussanut allaffissornikkut annertunerunermik kinguneqarnissaanik kinguneqassanngitsoq.

### Allaffissornikkut kingunissai – kommunit

Naliliisoqarpoq siunnersuut kommuninut allaffissornikkut imaaliinnarluni kinguneqassanngitsoq.

Kommunit umiarsualiviat ullumikkut ataasiinnaavoq. Qeqqata Kommunia Sisimiut illoqarfiani umiarsualivimmik allilikkamik ingerlatsinissamut sulii akuersissuteqarpoq. Sisimiuni umiarsualivimmik kommunip allaligaanik ullumikkut ingerlatsineq kommunit ingerlatsinerannut sinaakkutit iluanniippoq.

#### **4. Inuussutissarsiortunut aningaasatigut allaffissornikkulu kingunissai**

Immakkut angallatit inissitat qimatallu pillugit malittarisassat peernerannut, nalunaaqutsernerannut pingitsaaliillunilu tunisinermut aningaasartuutit kinguneqassapput. Angallammik ingutseriaannarmik akisussaasup aningaasartuutit taakku Umiarsualivinni Oqartussanut toqqaannartumik akisussaasuvoq.

Immakkut angallatit angallatikulluunniit qimatut peernerannut suujunnaarsinnerannallu aningaasartuutit equivissumik oqaatigiuminaapput. Aningaasartuutit apeqqutaavoq ilaatigut immakkut angallatip angallatikulluunniit angissusia, suunera aserfallatsagaaliugaaneralu. Immikkoortoq 3-mut Pisortanut aningaasatigut allaffissornikkulu kingunissai pillugit oqaaseqaatit innersuussutigineqarput.

Inuussutissarsiutigalugu aalisartutut nalunaarsorneqartut aalisarnermut aningaasaliissutit aningaasat pillugit Inatsisartut inatsisaat naapertorlugu sinerissap qanittuani aalisarnermi aalisariutit aserorternerannut piumasaqaatit immik tapiiffigineqarsinnaapput. Taamaallaat aalisariutit ukiuni kingullerni marlunni aalisarnermi atorneqarsimasut aserorternerannut tapiissutit pissarsisoqarsinnaavoq. Taamaammatt aalisariutit ingutseriaannaat qimanneqareersumasut aserorternerannut tapiissutigisoqarsinnaanngilaq, kisiannili aalisariutit aalisarnermi atorneqartut aalisarunnaartinnissaannik eqqarsaatigineqartut aserorternerannut tapiissutit pissarsisoqarsinnaavoq. Aserorternerannut tapiissutit aalisariutit sillimmasiinermit nalingata annerpaamik 75 procentisinnaavaat, atortut ilanngunnagit.

Umiarsualivik suliffeqarfimmit namminersortumik pigineqarpat ingerlanneqarlunilu, immami angallatit ingutseriaannaat peerneqarnerannut suujunnaarsinneqarsinnaanerannullu aningaasartuutit umiarsualiviteqarnermi suliffeqarfimmit namminersortormit naggataatigut akilertariaqalersinnaavaat, pingaartumik akuersissummi imaq umiarsualiviup eqqaaniittoq pulammagiarlu ilaappata. Sumiarsualiviteqarnermi suliffeqarfiup immakkut angallammik ingutseriaannarmik akisussaasumut akiliisitsinikkut angallatip ingutseriaannaap pingitsaaliissummik tunisinermi aningaasartuutit tamaasa ilaannakortumilluunniit akilersissinnaavai.

#### **5. Avatangiisinut, pinngortitamut innuttaasullu peqqissusiannut kingunissai**

Immakkut angallatit angallatikulluunniit mingutsitseriaannaanerisa saniatigut, immakkut angallatit angallatikulluunniit peerneqarnissaannik imaluunniit umiarsualivinni saliinissamik peqqusisinnaanermut pisinnaatitsineq Inatsisartut inatsisissaattut siunnersuutikkut ugguuna qulakkeerneqarpoq, tak. Avatangiisinik illersuineq pillugu Inatsisartut inatsisaat.

Immakkut angallat ingutseriaannaq sunaluunniit angallatip ilaanik avatangiisinut ajoqutaasunik piiaasoqarsimangippat pinngortitamik avatangiisinillu mingutsitseriaannaavoq innuttaasullu peqqissusiannut ajoqutaariaannaalluni

Naliliisoqarpoq inatsisissatut siunnersuut manna avatangiisinut, pinngortitamut innuttaasullu peqqissusiannut pitsaasumk sunniuteqassasoq, tassa avatangiisinut mingutsitseraannartut paasineqarnera apeqqutaatinnagu, immakkut angallatit ingutseriaannat peerneqarnissaannik naggataatigullu imminut ikiorlui iliuseqarnikkut angallatit peerneqarnissaannik Umiarsualivinni Oqartussat peqqutisinnaanerannut pisinnaatitsinissaq inatsisissatut siunnersuummi qulakkeerneqarmat. Avatangiisinik illersuineq pillugu Inatsisartut inatsisaat naapertorlugu immakkut angallatit angallatikulluunniit peerneqarnissaannik aammalu imminut ikiorluni iliuseqarnissamik peqqusisinnaanermut minngutsitsisoqariaannaassaaq, taamaalillunilu annertuumik mingutsitsinisaq pinngitsoorniarlugu ingerlannaq akuliunissaq piumasaqaataassalluni. Inatsisissatut siunnersuummi uani, umiarsualiviit tikinneqarsinnaanerit, isumannaatsumik angalanissaq, kusanassuseq atuinerlu eqqarsaatigalugit immakkut angallatit angallatikulluunniit naleqquttumik piffissaqartitsilluni peeqarnissaannik Umiarsualivinni Oqartussat akisussaasumut peqqusinissamut pisinnaatinneqarput. Umiarsualivinni Oqartussat periarfissatut kingullertut immakkut angallat angallatikorluunniit peersinnaavaat pinngitsaaliissummilluunniit tunisinnaallugu. Immikkoortumut 2.3 aamma immikkoortumut 2.4 oqaaseqaatit innersuussutigineqarput.

Naliliisoqarpiq siunnersuut tamakku saniatigut avatangiisinut, pinngortitamut innuttaasullu peqqissusaannut kinguneqassanngitsoq.

## **6. Innuttaasunut kingunissai**

Immakkut angallati inissitat qimaannarneqartullu pillugit malittarisassat naapertorlugit peerneqarnerannut, nalunaaqutsernerannut pinngitsaaliissummillu tunineqarnerannut aningaasartuutinik kinguneqassaaq. Angallatinik ingutsiariaannarnikakisussaasoq aningaasartuutit taakku pillugit umiarsualivinni oqartussanut toqqaannartumik akisussaaffeqarpoq.

Immakkut angallatit angallatikulluunniit qimatut peernerannut suujunnaarsinnerannallu aningaasartuutit equivissumik oqaatigiuminaapput. Aningaasartuutinut apeqqutaavoq ilaatigut immakkut angallatip angallatikulluunniit angissusia, suunera aserfallatsagaaliugaaneralu. Immikkoortoq 3-mut Pisortanut aningaasatigut allaffissornikkulu kingunissai pillugit oqaaseqaatit innersuussutigineqarput.



## **7. Kingunissai pingaaruteqartut allat**

Naliliisoqarpoq siunnersuut pingaaruteqartunik allanik kinguneqassanngitsoq.

## **8. Pisortanut, kattuffinnut il.il. tusarniaaneq**

Siunnersuut 10. maj 2017-imi [www.naalackersuisut.gl-imi](http://www.naalackersuisut.gl-imi) tusarniaanernut iserfissiaq aqqutigalugu, akissuteqarnissamut 15. juni 2017-imut killilerlugu tamanut ammasumik saqqummiunneqarpoq.

Siunnersuut 2017-imi maajip ulluisa qulinganniit juunip ulluisa 15-iannut tusarniaaffiusunut ukununnga tusarniaassutigineqarpoq:

Siulittaasup Naalackersuisoqarfia, Pinngortitamut Avatangiisinullu Naalackersuisoqarfik, Aningaasaqarnermut Akileraartarnermullu Naalackersuisoqarfik, Aatsitassaqarnermut Naalackersuisoqarfik, Inuussutissarsiornermut, Suliffeqarnermut, Niuernermut Nukissiuuteqarnermullu Naalackersuisoqarfik, Aalisarnermut Piniarnermullu Naalackersuisoqarfik, KANUKOKA, Qaasuitsup Kommunia, Qeqqata Kommunia, Kommuneqarfik Sermersooq, Kommune Kujalleq, SIK (Sulinermik Inuussutissarsiuteqartut Kattuffiat), Sulisitsisut (GE), NUSUKA, KNI A/S, Nukissiorfiit, kiisalu Imarsiornermut A-taatsimiititaliamit, Imarsiornermik Ilinniarfimmit, Issittumi Sakkutooqarfimmit, Kalaallit Nunaanni Politiinit, Sinerissami Radioqarfimmit, Sulisitsisunit, Kalaallit Nunaanni Aarlisartut Piniartullu Kattuffiannit (KNAPK), Sulinermik Inuussutissarsiuteqartut Kattuffiannit (SIK), Atorfillit Kattuffiannit (AK), Royal Greenland A/S-imit, Royal Arctic Line A/S-imit, Arctic Umiaq Line A/S-imit, Martek ApS-imit, Arctic Boat Charter A/S-imit, Sirius Greenland ApS-imit, Visit Greenland A/S-imit, Godthåb Bådedeforening-imit, Det Norske Veritas-imit, Normar Consult-imit, Kalaallit Nunaanni Aalisarsinnaanermut Akuersissutinik Nakkutilliisoqarfimmit, KNI A/S-imit, Polaroil-imit, Sikuki Nuuk Harbour A/S-imit aamma Greenland Pilot Service-mit ilaasortat.

Tamatuma saniatigut siunnersuut kingusinnerusukkut KNI A/S-imut aamma Mittarfeqarfimmut, ingerlatseqatigiiffiit umiarsualivinni oqartussaasutut piginnaaneqarnerat tunngavigalugu toqqaannartumik tusarniaassutigineqarpoq.

Tusarniaaffiusut uku siunnersuummut oqaaseqaatissaqaratik nalunaarput:

Inuussutissarsiornermut, Suliffeqarnermut, Niuernermut Nukissiuuteqarnermullu Naalackersuisoqarfik, Imarsiornermik Ilinniarfik, Nukissiorfiit aamma Mittarfeqarfiit.

Piffissap tusarniaaffiusup naanerani tusarniaaffiusunit ukunanit akissuteqaatinik tigusaqartoqarpoq, tusarniaanermilu oqaaseqaatinut akissutit uingasunngorlugit allanneqarput:

Tusarniaanermi akissuteqaatit, teknikkimut kiisalu oqaatsini kukkunernut amigaatinullu tunngasunik imallit annertunerusumik oqaaseqarfineqaratik siunnersuummut ilanngunneqarput.

## 1. KANUKOKA

Tusarniaaffiusut allattorsimaffianni KNI amigaataasutut isikkoqarpoq. Umiarsualivinnut oqartussaasuni amerlasuut nunaqarfiit umiarsualiviiniimmata, taakku aamma tusarniaaffigineqarnissaat pingaaruteqarpoq.

*Akissut: KNI A/S ingerlatseqatigiiffiup Imarsiornermut Ataatsimiititaliamut ilaasortatut piginnaatitaanini tunngavigalugu tusarniaaffigineqarpoq. Tamatuma saniatigut KNI A/S kingusinnerusukkut ingerlatseqatigiiffiup Umiarsualivimmi Oqartussaasutut piginnaatitaanini tunngavigalugu toqqaannartumik tusarniaaffigineqarpoq.*

KNI nunaqarfiit umiarsualiviini Umiarsualivinnut oqartussaasuvoq. Umiarsualivinnut oqartusnaanermi suliassat qanoq annertutiginersut ersarissumik takussutissiorneqarnissaat amigaatigineqarpoq. Oqartussaasut eqqortut immakkut angallammik kivisimasumik isumaginninnissaat pisariaqarpoq.

Tamannattaq umiarsualivinnut allanut, immikkut umiarsualivinnut oqartussaasoqartunut atuuppoq.

Namminersorlutik Oqartussat 3 sòmilineq killeqarfiup iluani oqartussaasuupput. Oqartussaaffik nunami immap tinittarfianut killeqarpoq. Umiarsualivinnut oqartussaasut assigiinngitsut suliassaqarfiisa aamma Namminersorlutik Oqartussat 3 sòmilineq killeqarfiup iluani suliassaqarfiisa akornanni killissarititassap isummerfigineqarnissaa amigaatigineqarpoq. Tamanna inatsimmut ilanngussinikkut ilaatinneqartariaqaraluarpoq. Umiarsualivinni oqartussaasut tamarmik immikkut killeqarfiisa nalunaarsorneqarnerinut ilanngullugu.

*Akissut:*

*Siunnersuutip matuma atuuffissai tassaapput kalaallit umiarsualivii, nunami atortut, nassiussalerinermi inuussutissarsiuutigalugu atorneqartut tamarmik, taamaattumillu taakku umiarsualiviit pillugit Inatsisartut inatsisaanni imaluunniit peqqussutini taanna tunngavigalugu aalajangersarneqartuni sukkulluunniit atuuttuni nassuiarneqarput. Imaatigut angallatinik angallatikunillu umiarsualiveqarfiup avataaniittunik piiaaneq siunnersuutip atuuffissaasa avataaniippoq. Taamaattumik ataatsimut isigalugu 3 sòmilineq killeqarfiup iluani immakkut angallatinik angallatikunillu piiaanermi siunnersuut manna tunngavigineqarsinnaanngilaq. Umiarsualivimmi suliassaqarfiup avataani inatsisitigut tunngavissat inatsimmi allami nassaarineqartussaapput, soorlu imaani avatangiisinik innarlitsaaliuineq pillugu Inatsisartut inatsisaanni sukkulluunniit atuuttumi. Immami avatangiisit innarlitsaaliorneqarnerat pillugu Inatsisartut inatsisaanni, 1. august 2017-imi atuutilersumi kapitali 11-mi nutaatut maleruagassat nutaat, immakkut angallatinut 3*

*sømilinut killeqarfiup iluani qimaannakkanut aammalu immakkt angallatinit inissitanit mingutsitsisoqarneranut iliuuseqartoqarsinnaanissaanut qulakkeeriffiusut akuerineqarput.*

*Umiarsualivinni oqartussaaffeqarnermut, tassungalu ilanngullugu umiarsualivimmi oqartussaasut suliassaasa suunerinut maleruagassiorneq umiarsualiviit pillugit Inatsisartut inatsisaat sukkulluunniit atuuttoq naapertorlugu pisarpoq. Suliassaqarfiit suut umiarsualivinnut oqartussaasut suliassarineraat pillugu maleruagassiornissaq siunnersuutip matuma avataaniippoq, tamanna umiarsualiviit pillugit immikkut ittumik inatsisiliornikkut pisussaammat.*

*Naliliineq malillugu umiarsualivinnut nassuiaatit umiarsualivinnullu killiliussat umiarsualivinnut inatsit immikkut ittoq malillugu suliarineqartussaapput, taamaattumillu inatsisissatut siunnersuummut matumunnga sumiiffiit umiarsualivinnut ilaanersut killilerneqarnerannut, tassungalu ilanngullugit sumiiffiit umiarsualivinnut oqartussaasunit susassarineqarnerinut imalinnik ilanngussisoqanngilaq.*

Immakkt angallammik immamut ikkattumut kivisoqartillugu piginnittup allalluunniit sumiiffimmut allamut inissiiniarneranni qanoq iliortoqartassanersoq isummerfigineqartariaqarpoq. Assersuutigalugu sivikitsumi puttatitsinermi imaluunniit angallatit allat kalitsinerini. Immakkt angallatip inissisimaffia immakkt angallammut taarsiissutitalimmik peerneqartussamut/kivisimasumut kikkut oqartussaasuunerinut apeqquaaavoq. Tamanna piginnittup allalluunniit immakkt angallammik nuussinissaannut pisarissersuutaasarpoq. Sisimiuni tamatumunnga assersuutissanik marlussunnik peqarpoq. Pisumi ataatsimi immakkt angallat kommunip oqartussaaffianiit Namminersorlutik Oqartussat oqartussaaffiannut nuunneqarpoq. Kommunimit aalisariut isumagineqarpoq, tassunga tunngatillugu suliaq aallartinneqareersimammat.

Siunnersuutigineqarpoq, inissisimaffik immakkt angallatip kivisimafiatut/ikkarlisimaffiatut uppersararneaqqartoq tassaassasoq angallatip inissisimaffia aammalu oqartussaasut atuuttussat, inuup kingusinnerusukkt immakkt angallammik nuussinera apeqquaatinnagu.

*Akissut: Inatsisartut inatsisissaattut siunnersuutip matuma atuuffissai tassaapput umiarsualiviit, inuussutissarsiornermik ingerlataqartunit nassiussalerinermut, inunnik sullissinermut aalisakkanillu tulaassuinerneq atorineqartut. Inatsisip atuuffissai tunngavigalugit immakkt angallat umiarsualiviup avataani siusinnerusukkt kivisimappat imaluunniit umiarsualivimmi ikkarlissimappat maleruagassanik, inatsisip umiarsualiviup avataanut atuunnissaanik aalajangersaasoqarsinnaanngilaq. Immakkt angallat umiarsualiviup avataanut nuunneqarpat, siunnersuut manna atuutissanngilaq. Umiarsualiviup avataanut inatsisitigut tunngavissat inatsimmi allami nassaarineqassapput, soorlu immami avatangiisit innarlitsaaliorneqarnissaat pillugu Inatsisartut inatsisaanni sukkulluunniit atuuttumi.*

*Umiarsualiviit pillugit Inatsisartut inatsisaat naapertorlugu najukkani umiarsualivinnut oqartussaasut taamaallaat namminneerlutik umiarsualivigisaminnut aalajangiinissamut piginnaatinneqarput, taamatullu Namminersorlutik Oqartussat kommunillu umiarsualivinni, Namminersorlutik Oqartussanit kommuninillu ataasiakkaanit pigineqartuni umiarsualivinnut qitiusumik oqartussaasuupput.*

*Naliliineq malillugu immakkut angallammik umiarsualivimmit ataatsimiit allamut nuussineq taamaallaat immakkut angallat nammineerluni ingerlasinnaappat, imaluunniit immakkut angallammit allamit kalinneqarsinnaappat pisinnaavoq, immakkut angallat kivisimasoq ikkarlissimasorluunniit puttallartinneqarnaviangimmat, tamatumalu kingorna umiarsualivimmut allamut nuunneqarnaviangimmat.*

*Ingerlatsinermut inatsisit tunngavigalugit naliliisoqarpoq, immakkut angallat umiarsualivimmit ataatsimiit allamut nuunneqassappat, umiarsualivimmi oqartussaasoq umiarsualivimmi oqartussaasup allap oqartussaaffianut piginnaatinneqassasoq pillugu aalajangersakkamik siunnersuummut ilanngussisoqassappat tamanna naapertuutinngitsaq, aammalu oqartussaaffinnik agguaanermik nalornilersitsissasoq. Naliliineq malillugu umiarsualivimmi oqartussaasoq siusissukkut umiarsualivimmi oqartussaasutut piginnaatitaaffini, umiarsualivimmut maleruagassat malillugit pigeriikkani atorlugit qaqitsivissaqarnissamut imaluunniit umiarsualivimmi kisarnissamut akuersissummik atorunnaarsitsinissaq piumasarisinnaavaa. Tamatuma saniatigut umiarsualivimmi oqartussaasoq siunnersuummi matumani kapitali 2 naapertorlugu akisussaasuusup akiligaanik immakkut angallat angallatikorluunniit qaqissinnaavaa, tamanna imaatigut angallannermik, immakkut angallammik avatangiisinilluunniit isumannaallisaanissamut pisariaqartinneqarpat.*

§ 7. Umiarsualivimmi oqartussaasut immakkut angallatit angallatikulluunniit § 5, imm. 1 aamma § 6 naapertorlugu peerneqartut inissaqartinneqarnissaat pisussaaffigaat.

§ 7-imut: Umiarsualivimmi oqartussaasut aamma immakkut angallatit atorunnaartut qulakkeerneqarnissaat, taamaalillutillu isumagineqarfissaminnut inissinneqarnissaat akisussaaffigigaat erseqqissarneqartariaqarpoq. Taamaangippat iterlammut sumulluunniit kaliinnarneqarnissaat, taamaalillunilu ajornartorsiutip naggataagut kommunimut tunnissaa annilaangassutigineqarsinnaavoq.

*Akissut: Umiarsualivimmi oqartussaasut umiarsualiviup iluani inissamik qulakkeerinissaq pisussaaffigaat. Umiarsualivimmi oqartussaasut umiarsualiviup avataanut piginnaatinneqanngillat, taamaattumillu umiarsualiviup avataani inissamut innersuussinissamut piginnaatinneqaratik. Matumani matuma siuliani umiarsualivimmi suliassaqarfinnut oqaaseqaatit innersuunneqarput.*

*Inatsisartut inatsisissaattut siunnersuutip matuma atuuffissai tassaapput umiarsualiviit, inuussutissarsiornermik ingerlataqartunit nassiussalerinermut, inunnik sullissinermut*

*aalisakkanillu tulaassuinermut atorneqartut. Akisussaasuusup immaklut angallat umiarsualiviup avataanut nuussimappagu, inatsisissatut siunnersuut manna atuutissanngilaq. Umiarsualiviup avataanut inatsisitigut tunngavissat inatsimmi allami nassaarineqassapput, soorlu immami avatangiisit innarlitsaaliorneqarnissaat pillugu Inatsisartut inatsisaanni sukkulluunniit atuuttumi.*

*Akisussaasuusup immaklut angallat piinngippagu iginngippaguluunniit, umiarsualivimmi oqartussaasut siunnersuummi §§ 5 aamma 10 naapertorlugit immaklut angallat aggartissinnaavaat imaluunniit pinngitsaaliissummik tuniniarsinnaallugu. Najukkani umiarsualivimmi oqartussatut sulisut Namminersorlutik Oqartussanit imaluunniit kommunalbestyrelsimit suliakkerneqareernerminni taamatut piginnaatinneqarsinnaapput. Najukkani umiarsualivinni oqartussaasut, taakkunungalugu immaklut angallatip peerneqarneranut ilanngullugit, kisiannili agorneqarneranut ilanngunnagit, aningaasartuutaat Nunap Karsianit imaluunniit kommuninit ataasiakkaanit matussuserneqassapput.*

*Naliliineq malillugu umiarsualivinni oqartussaasut immaklut angallammut inissamik qulakkeerereersimappata, umiarsualivinni oqartussaasut umiarsuarmik isumaginninnissamut pisussaaffilerneqarnissaat naapertuutinngilaq.*

*Immaklut angallat tuniniaanermut aningaasartuutissatut missiliorneqartut sinnerlugit aningaasatigut naleqarpat, umiarsualivinni oqartussaasut immaklut angallammik pinngitsaaliissummik tuniniaanissamut piginnaatitaanerminnik atuinissat, taamaalillunilu immaklut angallatip umiarsualivimmi inissaqartinneqarnerata qulakkeerneqarnissaa naatsorsuutigineqartariaqarpoq. Immaklut angallat tuniniaanermut aningaasartuutissatut missiliorneqartut sinnerlugit aningaasatigut naleqanngippat, immaklut angallatip aggorlugu iginneqarnissaa periarfissaavoq. Immaklut angallatip agorneqarnissaa umiarsualivimmi oqartussaasut pisussaaffigissanngikkaat naliliisoqarpoq, tamanna Nunap Karsianut kommuninullu ataasiakkaanut aningaasaliinissamut tunngavissaqartitsinissamut piunasaqaateqarfiusunik aningaasartuuteqarnermik kinguneqarsinnaammat. Immaklut angallatip agorneqarnissaanut piginnaatitsissummik atuinissaq kissaatigineqarpat, Namminersorlutik Oqartussat kommunilu tassunga aningaasalersuinissamut immikkoorlutik isummertinneqassapput, aammalu immaklut ittumik aningaasaliinikkut tamatumunnga aningaasaliissutissanik qinnuteqartoqarsinnaalluni.*

*Immaklut angallammik, inuttassarsiuinissamik aamma/imaluunniit piginnittup isummernissaanik utaqqisaqarfiusumik inissiinermi, immaklut angallatip agorneqannginnerani, tunineqannginnerani iluarsaanneqannginneraniluunniit qaammatit arfinillit missaannik periarfissaqartitsisoqartariaqarpoq. Qaammatit arfinillit iluanni inuttassarsiuinissamut, kiisalu isummersornissamut piffissaqartitsisoqassaaq, aammalu suliap suliarineqarnerani amerlanertigut piffissamut utaqqiffiusartumut piffissaqartitsisoqassalluni.*

Kisiannili piffissaliinermi qaammatit arfinillit sinnerneqartariaqanngillat. Piffissaliussaq qaangerneqarpat tamanna pineqaasissiiinermik kinguneqartinneqartariaqarpoq.

*Akissut: Matuma siuliani oqaaseqaatit innersuunneqarput. Immakkut angallatip aggorneqarnissaa umiarsualivimmi oqartussaasut pisussaaffigissanngikkaat naliliisoqarpoq, tamanna Nunap Karsianut kommuninullu ataasiakkaanut aningaasaliinissamut tunngavissaqartitsinissamut piumasaqaateqarfiusunik aningaasartuuteqarnermik kinguneqarsinnaammat. Immakkut angallatip aggorneqarnissaanut piginnaatitsissummik atuinissaq kissaatigineqarpat, Namminersorlutik Oqartussat kommunilu tassunga aningaasalersuinissamut immikkoorlutik isummertinneqassapput, aammalu immikkut ittumik aningaasaliinikkut tamatumunnga aningaasaliissutissanik qinnuteqartoqarsinnaalluni.*

§ 10-mut. Immakkut angallammik inuttassarsiuinissamut piffissarititaasoq qaammatinik pingasunik sivissuseqarpoq. Maannarpiaq Sisimiuni aalisariut akunnattumik angissusilik umiarsualiviup avataani kiveqqavoq. Umiarsualiviup kraniata tikinneqarsinnaaneranut akornutaavoq. Tassani qaammatit pingasut atorneqarnissaat umiarsualivimmik atuisunut allanut naammaginangilaq. Kiisalu siusinnerusukkut aalisariut kivisimasoq sapaatit akunnerini amerlasuuni aalisariutinut talittarfimmi suliassanut annertuumik akornutaasimavoq. Inatsimmi paragrafimik immikkoortumilluunniit immakkut angallammik/angallatikumik amusigallarnissamut erngerluni naammaginartumik iliuseqarsinnaanissamut periarfissamik ilanngussisoqarnissaa kissaatigineqarpoq. Tamatuma kingorna suliap suliarineqarnera inatsit tunngavigalugu ingerlaqqissinnaavoq. Piginnittup kinaassusia ilisimaneqarpat/paasineqarsinnaappat aningaasartuutinut akiliisussanngortinneqassaaq.

*Akissut: § 5, imm. 3-mi aalajangersakkamik ilanngussisoqarpoq, taannalu malillugu immakkut angallatip taassumaluunniit ilaata umiunissaa annertuumik ulorianaateqarpat, imaluunniit imaani isumannaallisaanermut umiarsualiviulluunniit atorneqarneranut nalinginnaasumut annertuumik ajoqutaappat, Umiarsualivimmi Oqartussaasut siumoortumik peqqusinertaqanngitsumik akisussaasuusullu akiligaanik immakkut angallat angallatikorluunniit peertissinnaavaat.*

Tusarniaassutaasoq/inatsisissaq manna angallatinut sillimmasiinissamut maleruagassiorfiusussaangilaq. Kisiannili erseqqissaatigineqassaaq, maleruagassanik, immakkut angallatinik annernik aalisariutinillu piginnittut atorsinnaasunik sillimmateqarnissaannut piumasaqaateqarfiusunik amigaateqartoqarmat. Taanna immakkut angallat kivippat, Namminersorlutik Oqartussanit aningaasaliissutit matussusiisinnatinnagit, taamaalillunilu kalitsinissamut agguinerusinnaasumullu aningaasartuuteqartoqartussanngorpat matussusiisussaavoq. Angallammik aalajangersimasumik annertussusilimmik, sunngiffimmi inuussutissarsiutigaluguluunniit, umiarsuup kivinerani matussutaasussamik sillimmasiisoqarsimatinnagu ingerlatsinissaq pisinnaasariaqanngilaq.

Angissusissamut killiliussaq illoqarfimmi kranit, usisaatit assakaasullit entreprenørilluunniit atortui atorlugit ajornanngitsumik isumagineqarsinnaasunut annertussusilerneqarnissaa naapertuussinnaavoq. Kiisalu immakkt angallatit assigiinngitsunik angissusillit aggorneqartarnerinut akiusut.

*Akissut: Siunnersuut manna taamaallaat umiarsualivinni immakkt angallatinik angallatikunillu piiaanissamut tunngasuuvoq. Tassalu immakkt angallatinik sillimmasiinissamut piumasaqaateqarnermut maleruagassanik aalajangersaanissaq siunnersuutip matuma avataaniippoq.*

Matuma siuliani allassimasut saniatigut Qaasuitsup Kommunia § 5-imut oqaaseqaammik imaattumik KANUKOKA-mut nassiussaqqarpoq: Tassani immakkt angallammik “piffissaliussap naammaginatup iluani” peersinissaq kisimi taaneqqarpoq. Tassani aamma “kommunimi oqartussaaffimmut akuerineqarsimanermut imaluunniit akuerineqartussaannermit aalajangersagaq” pillugu immikkoortumik ilaatitsisoqartariaqaralarpoq. KANUKOKA-mit Qaasuitsup Kommuniata oqaaseqaataa isumaqatigineqqarpoq.

Qaasuitsup Kommunia Ilulissanut tunngatillugu kommunip umiarsualivimmi oqartussaaffianik atuinermit aalajangersakkanik suliaqarniarpoq. Umiarsualivik sulianut ingerlanneqartunut mikivallaarpoq. Taamaattumik sumiiffiit ilaannik, angallatinut kisarfigeqqusaanngitsunik peqalertussaavoq. Angallatit taakku erngerlutik nuunneqassapput, taamaalillunilu kommunip umiarsualivimmi oqartussaaffiitut aalajangersakkat paragraf 5-ip ataanut ilaatinneqassapput.

*Akissut: § 5, imm. 3 immakkt angallatip taassumaluunniit ilaata umiunissaa annertuumik ulorianaateqqarpat, imaluunniit imaani isumannaallisaanermut umiarsualiviulluunniit atorneqarneranut nalinginnaasumut annertuumik ajoqutaappat, Umiarsualivimmi Oqartussaasut siumoortumik peqqusinertaqanngitsumik akisussaasuusullu akiligaanik immakkt angallat angallatikorluunniit peertissinnaagaat pillugu piginnaatitsissut ilanngunneqqarpoq. Naliliineq malillugu § 5, imm. 3 tunngavigalugu Umiarsualivimmi Oqartussaasut immakkt angallat umiarsualiviup ulluinnarni ingerlanneqarneranut annertuumik ajoqutaasoq, tassungalu ilanngullugu umiarsualivimmi pisinnaasat umiarsualivimmi ulluinnarni sulianut naleqqiullugu annikippallaarpata, nuussinnaavaat. Tamatuma saniatigut immakkt angallatip, umiarsualivimmi suliaqarfiungaatsiartumi kisarsimasup, umiarsualivimmi angallannermi isumannaassutsimut aamma annertuumik ajoqutaanissaa ilimagineqarsinnaavoq. Naliliineq malillugu § 5, imm. 3 tunngavigalugu Umiarsualivimmi Oqartussaasut immakkt angallat angallatikorluunniit umiarsualiviup atorneqarneranut nalinginnaasumut akornutaappat annertuumilluunniit ajoqutaappat immakkt angallat angallatikorluunniit piissallugu piginnaatinneqqarput, tamatumani umiarsualivimmi suliaqarfiit ilaanni kisarfigeqqusaanngitsunut*

*pituffigeqqusaanngitsunulluunniit aalajangersimasunik maleruagassaqaqarnera  
apeqqutaatinnagu.*

KANUKOKA-mit Namminersorlutik Oqartussat umiarsualiviutaannut kikkut oqartussaasuunersut aammalu Naalackersuisoqarfiit arlaat maalaaruteqartarnermi oqartussaasuunersut erseqqissarneqarnissaa pisariaqartinneqarpoq. Naalackersuisut umiarsualivinni oqartussaasuunissaat maalaaruteqartarnermilu oqartussaasuunissaat oqaatigineqassappat, tamanna KANUKOKA-mit isumaqartutut isumaqarfigineqanngilaq.

*Akissut: Umiarsualiviit pillugit Inatsisartut inatsisaat naapertorlugu umiarsualivinnut qitiusumik oqartussaaffik Naalackersuisunit isumagineqarpoq, kiisalu najukkani umiarsualivinnut oqartussaaffimmi suliassat avammut suliakkiisarnerit tunngavigalugit isumagineqarlutik. Umiarsualiviit pillugit Inatsisartut inatsisaanni Kalaallit Nunaanni Namminersorlutik Oqartussat oqartussaasutut piginnaatitaaneri avammut suliffeqarfinnut namminersortunut suliakkiissutigineqartarput. Naalackersuisut suliffeqarfimmu, namminersornissamik tunngaveqarluni pilersinneqarsimasumut, aammalu umiarsualiveqarnermut imarsiornermullu attuumassutilinnik ilisimasaqartumut isumaqatigiissuteqarnikkut najukkani Namminersorlutik Oqartussat umiarsualiviutaanni ataatsimi amerlanerusuniluunniit umiarsualiveqarnermut oqartussaaffimmi suliassanik isumaginninnissamut piginnaatissinnaavaa, imm. 2.1. Atuuffissanut nassuiaatinullu tunngatillugu 1993-imili Royal Arctic Line A/S aamma KNI Pilersuisoq A/S najukkani Namminersorlutik Oqartussat umiarsualiviutaanni umiarsualivinnut oqartussaaffimmi suliassanik isumaginnittuusimapput. Tamatuma kingorna umiarsualivinnik ingerlatsinermi umiarsualivimmilu oqartussaaffeqarnermi suliassat isumagineqarneranni Namminersorlutik Oqartussat suleqatillu attuumassuteqartut akornanni isumaqatigiissutit tunngavigineqartarsimapput. Taamatut suliakkiisarnermi pissutsit immikkut ittut, pingaartumik suliassanut isumalluutinullu tunngasut tunngavigineqartarput, Royal Arctic Line A/S aamma KNI Pilersuisoq A/S taamanikkut maannalu umiarsualivinni pineqartuni allaffeqarmata sulisoqarlutillu. Narsarsuarmi Kangerlussuarmilu umiarsualivinni oqartussaasutut suliassat Mittarfeqarfinnit isumagineqarput.*

*Taamaattumik najukkani umiarsualivinni oqartussaasutut suliaqartut Inatsisartut inatsisaat naapertorlugu aalajangigaat pillugit Naalackersuisunut maalaaruteqartoqarsinnaavoq.*

## 2. KNI A/S

KNI-mit aallarniutigalugu oqaatigineqassaaq, tusarniaanermi piffissaliussaq naapertuutinngitsumik sivikippallaartoq (ullut marluk!), tamannalu pequtigalugu ingerlatseqatigiiffik inatsisissatut siunnersuummi itisiliiffiusumik kingunerisassanik misissueqqissaarnissamut atatillugu pingaarutilinnik takkuitsuisinnaasoq paatsoorsinnaasorluunniit.



Inatsimmi umiarsualivimmi oqartussaasuunerup aalajangersarneqarnera taassumalu nassuiaatitaa (§ 4, imm. 4) ersarlulaartoq, taamaattumillu ingerlatseqatigiiffiup umiarsuarlivimmi oqartussaasutut akisusaaffeqarneranik annertuumik annertusititsinnaasooq ingerlatseqatigiiffimmit maluginiarneqarpoq, umiarsualivimmut oqartussaasut nassuiaatini nalinginnaasuni imm. 2.1-imi oqaaseqatigiit kingulliit naapertorlugu imatut peqquneqarsinnaammata:

“Umiarsualivinni oqartussat suliassat Inatsisartut inatsisaat manna naapertorlugu tassaapput immami angallatit angallatikullu peerneqarnissaannik peqqusinissaq, immami angallatit angallatikullu peerneqarnerat imaluunniit pinngitsaaliissummik tunineqarnerat, kiisalu taamatut iliornermi aningaasartuutaasut taarserneqarnissaannik piumasaqaateqarneq.”

Tamanna suliassanik, ingerlatseqatigiiffiup umiarsualivinni oqartussaasutut akisusaaffigisaanit, taamaallaat ulluinnarni aqutsinermut nalinginnaasumut tunngasuusunit annertunerungaatsiartunik kinguneqarsinnaavoq.

Inatsisip atuutilerneratigut ingerlatseqatigiiffiup inatsit naapertorlugu suliassat annertusissutaannut suliffeqarfiup iluani isumalluutinik annertunerungaatsiartunik atugassiisariaqarneranik kinguneqartussaavoq. Ingerlatseqatigiiffik taamaaliorinnaanngilaq taamaaliorussaananilu, tamanna pissappat ingerlatseqatigiiffiup umiarsualiviit ulluinnarni ingerlanneqarneranik nalinginnaasumik qulakkeerinissamut pisusaaffii annertusingaatsiartussaammata, aammalu tamatuma kingunerisaanik ingerlatseqatigiiffiup nioqqutissanik ikummatissanillu pilersuineramik pingaarnertut isumaginnittuunerani aqutsinissaq pisariaqartoq tamakkiisumik aallutinngitsoorneqarsinnaalluni. Angallatikut ulluinnarni ingerlatsinermut akornutaappata KNI-p piginnittunut nalunaaruteqartarnisaa, tamatumalu kingorna piginnittut peqquteqarnerminni il.il. pisariaqartunik iliuuseqartarnisaaat piviusorsiornerusaaq.

Taamaattumik inatsisissatut siunnersuummi KNI-p umiarsualivinni oqartussaasutut maanna suliaasa annertusineqarnisaa, taamaalillunilu immakkut angallatinik angallatikunillu piiasoqartussanngortillugu suliassat, inatsisissatut siunnersuummi oqaatigineqartut ilanngullugit suliaqartarnisaa siunertaanngitsoq pillugu Namminersorlutik Oqartussat nalunaaruteqaqqullugit qinnuigineqarput.

*Akissut: Siunnersuut 10. maj 2017-imi KNI A/S-ip umiarsualivinni oqartussaasutut aamma Imarsiornermut Ilaasortatut piginnaaneqarnera tunngavigalugu KNI A/S-imut toqqaannartumik nassiunneqarsimannngimmat, taamaallalli Imarsiornermut Ataatsimiititaliami ilaasortatut nassiunneqarsimammat utoqqatsissutigineqarpoq.*

*Ingerlatseqatigiiffiup siunnersuutip kingunerisaanik inatsit naapertorlugu suliassat amerlissutaanik isumaginnissinnaaniarluni isumalluutinik amerlasuunik*

*immikkoortitsisariaqalersinnaanera pillugu oqaaseqaatinut tunngatillugu oqaatigineqassaaq, siunnersuutip Umiarsualivinni Oqartussaasut suliaasa amerlinerinik kinguneqarnissaa naatsorsuutigineqanngimmat. Matumani suliaasat, Umiarsualivinni Oqartussaasut ullumikkut umiarsualivinni malittarisassaqaartitsineq pillugu Namminersornerullutik Oqartussat nalunaarutaanni nr. 1, 4. januar 2000-imeersumi (umiarsualivinnut malittarisassat) § 17 naapertorlugu suliaasareriigaat, najukkami umiarsualivimmi oqartussaasutut ingerlasutut suliakkiisarnermut attuumassuteqartut pineqarput. Siunnersuummi matumani Umiarsualivinni Oqartussaasut imaani angallatit angallatikullu peerneqarnissaannut peqqusisinnaaneranut, immaqalu tamatuma kingorna nalunaarummiit inatsimmut alloriarluni angallatip tunineqarsinnaaneranut aggorneqarsinnaaneranullu inatsisitigut tunngavissat annertusineqarput. Angallatip angallatikulluunniit peerneqarnissaanut Umiarsualivinni Oqartussaasut aningaasartuutaannut taarsiinissamut piumasaqartoqartarnissaa, umiarsualivinnut malittarisassani § 17-imi taamatullu siunnersuummi matumani allassimavoq, angallatip peerneqarnissaa immaqalu tunineqarnissaa aggorneqarnissaaluunniit umiarsualivinnut malittarisassat taamatullu siunnersuut manna naapertorlugit piginnittup akiligaanik pisussaammat. Taamaattumik siunnersuutip matuma atuutilerneranut peqatigitillugu umiarsualivinnut malittarisassani § 17 atorunnaarsinneqassaaq. Kiisalu immikkoortoq 3. Pisortanut aningaasaqarnikkut allaffissornikkullu kingunerisassat innersuussutigineqarpoq.*

### 3. Hans Borchersen – Imarsiornermut siunnersorti

Aallarniutigalugu oqaatigineqassaaq, peqqusummik, umiarsualivinnut, amutsivinnut allanullu torersaanissamut atorfissaqaartitsisunut sakkussamik, saqqummiunneqartutut pitsaasutut naammassinniffiusinnaasutullu isikkulimmik atuutsitsilernissaq qangaaniilli amigaateqartoqarsimammat.

§ 2 pillugu. Atuutsitsiviunngitsut:

Danskit amerikamiullu sakkutooqarfiinut atuutsitsinnginnissaq isumatusaarnertut nipeqarpoq, taakkununga saliinissamut isumaqatigiissutinik ilaatitsisoqarsimanissaa, tamatumalu peqatigisaanik immakkut angallatinik kissaatigineqanngitsunik tikittoqarnissaanut itigartitsinissamut piginnaatitaanerup ilaatinneqarsimanissaa ilimanarmat. Tamatuma aamma aatsitassarsiornermut inatsisip ataani sanaartukkanut atuunnissaa ilimanaateqarpoq.

Kisiannili akerlianik aamma angallatinut nuannaariutinut umiarsualivinnut aammalu uulianik tunisassianut usilersortarfinnut usingiartarfinnullu periarfissanik assingusunik amigaateqartoqarpoq. Angallatinut nuannaariutinut umiarsualiviit uuliamullu atortut immakkut angallatinik atorunnaartunik angallatikunillu uninngatitsinissamut atonerlunneqarsinnaapput. Uuliamut atortunut tunngatillugu immakkut angallat kivisimasoq atortumut pineqartumut tassanngaanniillu pilersuineranut akornusiisussaavoq. Matumani ajornartorsiummik pinngortoqarpat, soorlu immakkut angallat kivilerpat imaluunniit angallatikoq qimaannarneqarsimappat piffissaagallartillugu qisuariaateqarnissamut

inatsisitigut tunngavissamik pisariaqartitsisoqartussaavoq. Angallatinut nuannaariutinut umiarsualivimmut isaarissamik assiineq taamatut pinartorsiorfiutigisussaannikkaluarpoq, kisiannili inatsit umiarsualivimmut akisussaasuusunut sakkuusinnaavoq pitsaasoq.

Taamaattumik § 1, § 2 aamma § taakkununga naleqqussarneqassasoq inassutigissavara.

*Akissut: Inatsisissatut siunnersuutip atuuffissai tassaapput umiarsualiviit, inuussutissarsiornermik ingerlataqartunit nassiussalerinermut, inunnik sullissinermut aalisakkanillu tulaassuineranut atornerqartut. Atuinermi umiarsualiviit pillugit Inatsisartut inatsisaat sukulluunniit atuuttoq, angallatinut nuannaariutinut umiarsualivinnut aamma nunami tankeqarfinnut uuliamik ikummatissamilluunniit nuussiviusartunut atuutsitsiviunngitsoq malinneqarpoq. Taamaattumik qitiusumik Umiarsualivinnut Oqartussaasut aamma najukkani umiarsualivinni sulianut oqartussaasut angallatinut nuannaariutinut umiarsualivinni imaluunniit nunami tankeqarfinni uuliamik ikummatissamilluunniit nuussiviusartuni umiarsualivinnut oqartussaaffinnik isumaginninnissamat piginnaatinneqanngillat. Siunnersuummi matumani umiarsualivinni oqartussaasut piginnaasaasa annertusineqarnissaat siunertarineqanngilaq, tamanna umiarsualiviit pillugit inatsimmi immikkut ittumi pisussaammat. Tassunga tapiliullugu naliliisoqarpoq, siunnersuummi angallatinut nuannaariutinut umiarsualiviit aamma nunami tankeqarfinni uuliamik ikummatissamilluunniit nuussiviusartut atuutsitsiviusunut ilaatinneqassanngitsut.*

§ 4, imm. 1 pillugu

Naggatip aappaani, sulliviit puttasut, aatsitassanik sakkussiassanik il.il. ujarlerlutik sulisut umiarsuarnut ilaasussaannginerat aalajangersarneqarmat eqqumiilaarpoq. Sulliviit puttasut naggammi siulianiittumi ilaatinneqareerput, aammalu sulliviup puttasup umiarsualiviup naqqanik misissuinissaa ilimanaateqanngilaq. Misissuinermi ingerlasumi sulliviup puttasup misissuiffimmit ataatsimiit misissuiffissamat ingerlanera, aammalu iluarsaatsitsiinnarniarluni suliassanillu utaqqilluni umiarsualivimmiittoqarnera eqqarsaatigineqarpat (...) sulliviup puttasup angallatikunngunnginnerani iliuseqarnissamat tunngavissaqarluarpoq.

*Akissut: Sullivinnik puttatumik, aalajangersimasumik inissinneqarsimasunik sulitinneqartunillu, immap naqqani aatsitassanik sakkussiassanik ujarlertunik imaluunniit atorluaasunik suliaqartunilluunniit ilaatitsinnginneq umiarsuarnut immakkut angallatikunik pīaasarneq pillugu Nairobi mi isumaqatigiissummi ulloq 18. maj 2007-imeersumit (immakkut angallatikunik pīaasarnermut isumaqatigiissummi) artikel 1, nr. 2-mi allassimasunut nassuiaatigineqartunut naleqquppoq. Kisiannili naliliineq malillugu talittarfimmi sullivimmik puttatumik, aalajangersimasumik inissinneqarsimasumik sulitinneqartumillu, immap naqqani aatsitassanik sakkussiassanik ujarlertumik imaluunniit atorluaasumik suliaqartumilluunniit uninnatitsisoqarnaviannilaq. Tassunga ilaliullugu naliliisoqarpoq, siunnersuummi matumani angallatikunik pīaasarnermut isumaqatigiissummi umiarsuarnut nassuiaatit saneqqunneqarnissaat akornutissaqanngitsoq. Matuma siuliani taaneqartut tunngavigalugit*

*sulliviit puttasut, aalajangersimasumik inissinneqarsimasut sulitinneqartullu, immap naqqani aatsitassanik sakkussiassanik ujarlertut imaluunniit atorluaasut suliaqartulluunniit umiarsuarnut nassuiaatinnut ilaatinneqannginnerat peerneqarpoq. Tamatuma kingorna sulliviit puttasut tamarmik siunnersuummi matumani umiarsuarnut ilanngunneqarput, sulliviit puttasut aatsitassanik sakkussiassanik ujarlertut imaluunniit atorluaasut suliaqartulluunniit pineqarnerat apeqqutaatinnagu.*

Assigiinngitsut

Naggataatigut oqaatigineqarsinnaavoq, immakut angallatip aalajangersimasup angallatikunngunnginnerani piginnittup nammineerluni pisussaaffiitut, taakkunungalu ilanngullugu mingutsitsinissamik pinngitsoortitsinissamut tunngasut amigaatigineqarmata. Tassunga tunngasut umiarsualivinnut maleruagassat ataannut inissinneqarnissaat eqqortuusorinarpoq, kisiannili taamaakkaluartoq matumunnga atatillugu taarusuinnarpakka. Immakut angallammik piginnittup piumaffigineqarnermini sillimmasiissummik, umiarsualivimmi ajoqusiinermi umiarsualivimmiluunniit allap pigisaanik ajoqusiinermi akisussaaffimminnut matusissutigisinnaasaminik peqarnerluni uppernarsaammik takutitsisinnaanissaanut inatsisitigut tunngavissaqartariaqarpoq. Immakut angallatit 300 GT-t sinnerlugit angissusillit imaanut inatsisitigut piumasaqaatinut matussusiisinaanermut uppernarsaateqartussaapput.

*Akissut: Siunnersuut manna taamaallaat immakut angallatinik angallatikunillu umiarsualivinnit piiaasarnermut tunngasuuvoq. Taamaattumik immakut angallatit sillimmasiissuteqarnissaanut piumasaqaatinik aalajangersaasarneq inatsisissatut siunnersuutip matuma avataaniippoq.*

#### 4. Sulisitsisut (GE)

Immakut angallatit angallatikullu atorunnaartut piginnittumit qimaannarneqartannginnissaannut, tamatumalu kingunerisassaaturt ajornerpaaturt pisortat pisuni tamani angallammik peersinissamut akiliisussanngortinneqartannginnissaannut GE tapersiivoq.

Nakkutilliineq siunnersuummi oqaatigineqartoq pitsaasumik sunniuteqassapat, angallatinut pineqartut assinginut nalunaarsuiffiliortoqartariaqarpoq, tassanilu angallammik piginnittoq nalunaarsuititsinissamut pisussaaffeqartinneqassaaq.

Nalunaarsorsimanermut uppernarsaasusnaanermik allamik amigaateqartoqartillugu inuk, angallatip/angallatikup peerneqarnissaanut atatillugu pisortanit piumaffigineqarnermini oqarsinnaassaaq, angallat/angallatikoq inummut ilisarisimanngisaminut tunisimallugu.

Angallatinik nalunaarsuiffiliornikkut piginnittut nikinneri sulluunniit nalunaarsuiffimmut nalunaarsorneqarsinnaassapput. Nalunaarsuiffeqalernissap tungaanut piginnittut nikinneranni angallammik/angallatikumik piginnittoq akiliisussanngortinneqartassaag.

Akisussaaffik, siunnersuut naapertorlugu pisussaaffinngortinniarneqartoq pitsaasumik atuussinnaangilaq, pineqartoq piunasaqarfigineqartoq angallammik/angallatikumik piginnittorpiannersoq uppersarneqarsinnaangippat.

*Akissut: Siunnersuut manna taamaallaat immakkut angallatinik angallatikunillu umiarsualivinniittunik paaasarnermut tunngasuuvoq. Angallatinut nalunaarsuiffimmik, immakkut angallatinik piginnittut tamarmik nalunaarsuititsinissamut pisussaaffigisaannik pilersitsinissamut maleruagassiorinissaq siunnersuutip matuma avataaniippoq. Aammattaaq imm. 2.2-mi, Peerneqartarnera nalunaaqutsiisarnelru, kalaallit immakkut angallataasa nalunaarsorneqartarnerinut nassuiaatit innersuussutigineqarput.*

## 5. Issittumi Sakkutooqarfik

Tusarniaanermi apeqqutigineqartoq Sakkutooqarfiup oqartussaaffiata avataaniittut naliliiffigineqarpoq.

Kisiannili Sakkutooqarfik imaani ujaasinernut annaassiniarnernullu, aammalu immami avatangiisinut suliasat ilaannut akisussaasuuvoq. Issittumi Sakkutooqarfiup naliliinera malillugu umiarsuit atorunnaartut umiarsualivimmiitneqartut imaani isumannaallisaanermi ulorianartorsiortitsisinnaapput, aammalu imaani avatangiisinik mingutsitsinermut pisuusinnaallutik. Tamanna tunngavigalugu Issittumi Sakkutooqarfiup immakkut angallatinik angallatikunillu paaasarneq pillugu inatsisissatut siunnersuut tapersersinnaavaa, paaaneq imaani avatangiisinut isumannaatsumik ingerlanneqarpat.

*Akissut: Nassuiaatini nalinginnaasuni allassimasutut paaanermi, tassungalu ilanngullugu agguinermi, tamatuma avatangiisinut isumannaatsumik ingerlanneqarnissaa piunasaqarpoq. Tamanna imaani angallatip atortuinik, avatangiiserineqartunut ulorianartorsiortitsisinnaasunik imaluunniit sulisut paaanerup kingorna suliaqarsimasinnaasut peqqissusaannut ulorianartorsiortitsisinnaasunik paaanermik kinguneqartumik piareersaanikkut pissaaq. Aammattaaq immikkoortoq 3-mut, Pisortanut aningaasatigut allaffissornikkullu kingunissai, oqaaseqaatit nalinginnaasut innersuussutigineqarput.*

## 6. Pinngortitamut Avatangiisinullu Naalakkersuisoqarfik

Pinngortitamut Avatangiisinullu Naalakkersuisoqarfik siunnersuummut tapersiilluarpoq, immakkut angallatit atorunnaartut avatangiisinut ulorianartorsiortitsisarmata. Immami avatangiisinik innarlitsaaliuinerumut Inatsisartut inatsisaanni kapitali 11-mi maleruagassanik, umiarsualiviit avataanniimmakkut angallatinut qimaannakkanut aammalu umiarsuarnit

inissitanit mingutsitsisoqarsinnaaneranut iliuuseqartoqarsinnaaneraniq qulakkeeriffiusunik.. Immami avatangiisinik innarlitsaaliuinissamut Inatsisartut inatsisaanni kapitali 11-mi aalajangersakkat umiarsuup mingutsitsereerneranut imaluunniit mingutsitsinissamut ulorianartorsiortitsineranut, aammalu umiarsuup imartamut qimanneqarneranut atatillugu iginneqareersimasutut oqaatigineqartariaqarneranut killiligaapput.

## **Siunnersuummi aalajangersakkanut ataasiakkaanut oqaaseqaatit**

### *§ 1-imut*

Inatsisartut inatsisaata atuuffia aalajangersakkami allaqqavoq. Umiarsualivittut isigineqarput talittarfiit nunamilu atortulersuutit tassunga atasut aammalu umiarsualiviup eqqaani imartaq angallatit tikittut talittarfimmukarnerminni ingerlanerannut atorneqartartoq kiisalu talittarfiit nalinginnaasumik usingiartarfillit usilersortarfilliillu. Oqaatigineqassaaq Naalakkersuisut umiarsualiviit pillugit Inatsisartut inatsisaat naapertorlugu umiarsualivinnik nunami atortulersuutit tassunga atasut ilanngullugit pillugit malittarsissasiornissamut pisinnaatitaasut.

Inatsisartut inatsisissaattut siunnersuut angallatinut danskit kalaallilluunniit erfalasuinik erfalasoqartunut Kalaallit Nunaanni umiarsualivinniittunut atuutissaaq. Nunat tamat akornanni inatsisinut nappertuuppata, tassunga ilanngullugu naalagaaffiit inatsitigut pisinnaataaffii pillugit nunarsuarmi inuit pisinnaatitaaffii pillugit inatsisini tunngavinnut naapertuuppata aammalu ajoqutaanngitsumik aqutissiat pillugit nunarsuarmi inuit pisinnaatitaaffi pillugit inatsisit mianeralugit, Inatsisartut inatsisissaattut siunnersuut angallatinut nunat allat erfalasuinik erfalasoqartunut Kalaallit Nunaanni umiarsualivinniittunut atuutissaaq.

Umiarsualiviit tamarmik aalajangersakkap oqaasertalerneqarnerani ilaapput, tassa apeqqutaatinnagu umiarsualivik angallatinit tamanit tikiffigineqarsinnaasutut pisussaafeqarnersoq (kikkut tamarmik atorsinnaasaat) imaluunniit umiarsualivik taamaallaat assartuinermi siunertanut aalajangersimasunut atuunnersoq, taamaammallu umiarsuit taamatut siunertaqarnermi atorneqanngitsut tikeqqusinnaanagit (umiarsualiviit kikkut tamarmiunngitsaq atorsinnaasaat). Umiarsualivik taamaallaat siunnersuummi § 2-mi atuunngiffianut aalajangersakkamut ilaasutut isigineqarsinnaappat Inatsisartut inatsisaata atuuffiani ilaassanngilaq.

Inatsisartut inatsisaat angallatinut puttasunut, kivisimasunut, ajutoorsimasunut ikkarlissimasunullu atuuppoq.

### *§ 2-mut*

Inatsisartut inatsisaat umiarsualivinnut sorlernut atuutinnginnersoq aalajangersakkami allaqqavoq.

Nr. 1 umiarsualiviit nunami atortulersuutit ilanngullugit taamaallaat sakkutuut Kalaallit Nunaanni ingerlatsinerannut atatillugu Naalagaaffimmit atorneqartut aammalu nr. 4 umiarsualiviit nunami atortulersuutit ilanngullugit Pituffimmi illersornissamut atorneqartumi inissisimasut inuussutissarsiornermi atorneqartutut isigineqarsinnaanersut nassuiaasiornermi nalornissutigineqarsinnaavoq. Nr. 1 aamma nr. 4-mi atuutinngiffii ilanngunneqarput

umiarsualiviit pineqartut nunami atortulersuutit ilanngullugit siunnersuummi ilaasinnaanersut nalornissutaasinnaasut akimorniarlugit.

Talittarfiit KNI A/S-ip (Polaroilip) uulianik tunisassianik nuussisarneranut naatsorsuussat tassungaluunniit atorpeqartut nr. naapertorugu siunnersuummi § 1-imi ilaangillat. Talittarfiit taakku umiarsualivinnut Namminersorlutik Oqartussat pigisaannut atuuttunut atatillugit pilersinneqarajuttarput.

Umiarsualiviit pillugit Inatsisartut inatsisaat naapertorlugu imartat umiarsualiviit eqqaaniittut pillugit malittarisassiortoqarsinnaavoq, tassunga ilanngullugit talittarfiit assersuutigalugu Namminersorlutik Oqartussaat aamma Polaroilip pigisaasa akornanni imartanik umiarsualiviit eqqaaniittunik killiliineq. Namminersorlutik Oqartussaat aamma Polaroilip pigisaasa akornanni imartanik umiarsualiviit eqqaaniittunik killiliineq.

Aatsitassarsiornermut atatillugu umiarsualivinnik sanaartorneq ingerlatsinerlu ingerlatsinernik taakkuninnga oqartussat suliarinninnerannut tamarmiusumut atatillugu suliarineqartarput. Umiarsualiviit taamaattut taamaamat nr. 2 naapertorlugu siunnersuummi ilaangillat. Ilaatitinnginneqanngitsut tassaapput umiarsualivit nunami atortulersuutit ilanngullugit aatsitassat Aatsitassat pillugit ingerlatallu tamatumunnga pingaarutillit pillugit inatsisartut inatsisaat (aatsitassanut ikummatissanullu inatsit) kingusinerusukkut allannguutit ilanngullugit naapertorlugu akuersissuteqarsissutinut ilaasut.

### *§ 3-mut*

Imm. 1-imi angallatinut nuannaariartaatinut talittarfiit talittarfiillu allat sunngiffimmi sammisaqarnernut atorpeqarnerusut Inatsisartut inatsisaata atuuffiani ilaatinneqanngillat. Taamaalilluni talittarfiit taamaattut aamma, killilimilli, angallatinit takornarissanik angallassitinit imaluunniit umiatsiaararsorlutik aalisartunit inuussutissarsiutigalugu saniatigooraluguluunniit aalisartunit atorpeqartut ilaatinneqanngallit. Tamassuma saniatigut pissutsit apeqqutaatillugit inuussutissarsiornermi atorpeqartut allat talittarfiit sanaartorerisa ingerlanneqarnerisalu aningaasalersorneqarnerinut pingaaruteqanngilluinnartut ilaatinneqanngitsoorsinnaapput.

Talittafimmut maannakkut pissutsit malillugit Inatsisartut inatsisissaattut siunnersuummi ilaatinneqanngitsutut taaneqarsinnaavoq Nuummi Ikiani angallatinut nuannaariartaatinut talittarfik. Talittarfik Godthåb Bådeforening-imit pigineqarpoqingerlaneqarlunilu. Talittarfiup ingerlanneqarnerani aserfallatsaaliorneqarneranilu aningaasartuutit peqatigiiffiup ilaasortaanit angallatit inaannut akiliutit aqutugalugit akilerneqartarput. Maannakkut talittarfimmit Maannakkut talittarfimmit inuussutissarsiornermut tunngasumik annikitsuararsuarmik immakkut angallassisoqartarpoq. Talittarfik pilersinneqarpoq assersuutilerlugu puttasulerlugilu. Talittarfimmik nunamiluunniit atortulersuutinik tassunga



atasunik inuussutissarsiornermi nassiussanik usilersuinermit usingiaanermulluunniit atorneqartartunik pilersitsisoqarnikuunngilaq.

#### *§ 4-mut*

Nr. 1.

Aalajangersakkami nassuiarneqarpoq immakkut angallat Inatsisartut inatsisaanni matumani qanoq paasineqassanersoq. Nassuiaat assigiinngiaartunik atorneqarpoq, taassumalu nassuiaat angallatikut peerneqartarnerat pillugu Nairobiimi isumaqatigiissummi 23. maj 2007-imeersumi (angallatikut peerneqartarnerat pillugu isumaqatigiisut) artikili 1, nr. 2-mi allaqqasoq assigaa. Assersuutigalugu Inatsisartut inatsisissaatut siunnersuummi taaneqarput timmeralaat sisoraataasallit (hydrofoibådít), qaatsiartaatit, aqqartartut aamma sulliviit puttasut atortullu puttasut. Aammali immakkut angallatit allarpassuit ilaapput, assersuutigalugu tissiartaatit motorillillu, sanaartukkat puttasut, toqqorsiviit puttasut (FSU-t) aammalu tunisassiorfiit puttasut toqqorsivittallit nassiussuisarfeqartullu (FPSO-t). Sulliviit puttasut pillugit inatsisip oqaasertaani aamma eqqarsaatigineqarput sulliviit puttasut kalitsinermut nusutsinermulluunniit atorneqartartut.

Siunnersuummi matumani angallatikut paaasarnermut isumaqatigiissummi immakkut angallatinut taaguutit saneqqunneqarput, aammattaaq sulliviit puttasut, aalajangersimasumik inissinneqarsimasut sulitinneqartullu, immap naqqani aatsitassanik sakkussiassanik ujarlertut imaluunniit atorluaasut suliaqartulluunniit Inatsisartut inatsisaannut matumunnga ilaatinneqarmata. Tassalu Inatsisartut inatsisaat sullivinnut puttasunut tamanut atuutsinneqarpoq, sulliviup puttasup aatsitassanik sakkussiassanik ujalernermik imaluunniit atorluaanermik suliaqarnermilluunniit suliaqarnera apeqqutaatinnagu.

Nr. 2.

Aalajangersakkami nassuiarneqarpoq angallatikut Inatsisartut inatsisaanni tassani qanoq paasineqassanersut. Nassuiaatip nassuiaat angallatikut peerneqartarnerat pillugu isumaqatigiissummi artikili 1, nr. 4-mi allaqqasoq assigaa.

Taaguut "angallatikoq" assigiinngiaartunik nassuiaaserneqarpoq. Immakkut angallat kivisimasoq tipisimasorluunniit, immakkut angallatip ilaa kivisimasoq tipisimasorluunniit, atortut angallatip angalanermini katatai "angallatikutut" isigineqassaapput, tassa immami ajortoernerup kinguneranik pisimapput, assersuutigalugu apornermi, apuinermi, ikkarlernermi, ikuallattoornermi, qaartoqarnerani, imattoortoqarnerani, angallatip uernerani, kinngunermi, atortut ajoquserneranni, angallatip aqunneqarsinnaajunnaarnerani, angallat ajunaartut isigineqarsinnaappat angallalluunniit qimanneqartariaqarpat.

Immami ajutoortoqarsimanissaa piumasqaataanngilaq. Taamaalilluni immami angallat kisarsimappat aserfallatsaaliugaannginneralu pissutigalugu kivisimappat aalajangersagaq aamma atuuppoq.

Taamaalilluni aamma assersuutigalugu assartukkat aalisarnermiluunniit atortut angallatip qaavanit lastimilluunniit katanneqartut angallatikut nassuiaaserneranni ilaapput. Assartukkanik atortunillu katatsineq ajutumeernikkut ajunaarnikkulluunniit pisimassaaq. Piaaraluni peerneqarneri nassuiaanermut ilaanngillat.

Nr. 3.

Aalajangersakkami nassuiarneqarpoq umiarsualiviit Inatsisartut inatsisaanni matumani qanoq paasineqassanersut. Umiarsualiviit tamanit tikinneqarsinnaanerat tamanilluunniit tikinneqarsinnaannginerat apeqqutaatinnagu umiarsualiviit tamarmik aalajangersakkap oqaasertaanut ilaapput.

Nr. 4.

Aalajangersakkami nassuiarneqarpoq, Umiarsualivimmi Oqartussat Inatsisartut inatsisaanni matumani qanoq paasineqassanersut. Umiarsualivinni Namminersorlutik Oqartussat pigisaanni Umarsualivinni Oqartussat tassaasinnaapput Naalackersuisut imaluunniit Umiarsualiviit pillugit Inatsisartut inatsisaat qaqugukkulluunniit atuuttoq naapertorlugu Naalackersuisut sumiiffinni umiarsualivinni oqartussatut suliakkersimasaat. Umiarsualiviit kommuninit pigineqartut eqqarsaatigalugit Umarsualivinni Oqartussat tassaasinnaapput kommunalbestyrelsi imaluunniit Umiarsualiviit pillugit Inatsisartut inatsisaat qaqugukkulluunniit atuuttoq naapertorlugu Kommunalbestyrelsit sumiiffinni umiarsualivinni oqartussatut suliakkersimasaat. Naggasiullugu Umiarsualivinni Oqartussat tassaasinnaapput umiarsualiviit pillugit Inatsisartut inatsisaat qaqugukkulluunniit atuuttoq naapertorlugu umiarsualivinnik atortussianillu tassunga atasunik sanaartornissamut, allilerinissamut, allanngortiterinissamut atorneqarnerisaluunniit allanngortinissaannut akuersissummik pigisaqartut.

#### *§ 5-imut*

Imm. 1.

Aalajangersagassatut siunnersuutikkut umiarsualiviit tikinneqarsinnaanerat, isumannaatsumik angallannissaq, kusanassuseq, allatut atuneq aqutsinerluunniit eqqarsaatigalugit Umiarsualivinni Oqartussat immakkut angallatit angallatikulluunniit peerneqarnissaannik peqqusisinnaanermut pisinnaatinneqarput.

Umiarsualivinni Oqartussat imm. 1 malillugu aamma peqqusisinnaapput angallatikut, tassunga ilanngullugit assartukkat katatat, umiarsualivinnut inissineqarsimasut peerneqassasut. Assartukkat katatat inissineqarnikut tassaasinnaapput usit angallammit angallatilluunniit talittarfiannit nakkarsimasut, pituussaarsimasut, prammit, umiatsiaaqqat assigisaallu.

Tikinneqarsinnaaneq imatut paasineqassaaq, immakkut angallatit angallatikulluunniit qi-  
manneqarsimasut immakkut angallatit allat tikitsisinnaanerannut ajoqutaassangitsut.

Toqqissisimanartumik angallaneq imatut paasineqassaaq, immakkut angallatit angallatikullu  
immakkut angalanermi angallatinut allanut navianartorsiortitsissanngitsut.

Kusanassuseq imatut paasineqassaaq, immakkut angallatit angallatikullu pinngortitami nuna-  
minertanilu kusanaallisaataasannngitsut. Immakkut angallatit pinngortitami  
nunaminertaniluunniit kusanaallisaataanerannik naliliineq pisuni ataasiakkaani naliliineruvoq,  
pissusiviit tunngavigalugit naliliinerusussaq. Assigiinngiaartunik nassuiaaneq pineqarpoq,  
tassa malittarisassat pingaarnepaatut Kalaallit Nunaanni umiarsualiviit angallatinik  
igitsivittut eqqaavittulluunniit atornerqarnerisa akuerineqarsinnaanngimmat.

Umiarsualivinnik allatut atuinerup aqutsinerulluunniit mianerineqarnissaat, imatut paasi-  
neqassaaq umiarsualivinnik umiarsualiviit inuussutissarsiornermi atornerqarnerannik  
imaluunniit umiarsualivinni ingerlatsinerit, assersuutigalugu ruujorilersuinerit aammali  
nalinginnaasumik saligaatitsineq mianerineqassasut.

Kiap immakkut angallammik angallatikumilluunniit akisussaasutut isigineqarnissanik killili-  
inermik aalajangersagaq imaqaanngilaq. Tamanna Kalaallit Nunaanni Danmarkimilu  
inatsisilerinermi tunngaviit nalinginaasut malillugit aalajangerneqassaaq, tassanili  
naatsorsuutigineqarpoq akisussaasup, angallataatiliunngippat, peqqusineq malinngippagu  
piginnittoq akisussaasuussasooq. Aammattaaq naatsorsuutigineqarpoq inuup immakkut  
angallatip kisarsimaneranik akisussaasup, immakkut angallatip allamut tunniunneratigut  
pisussaaffeerussinnaassanngitsoq. Tamassuma kingorna tunniussinermi piginnittoq  
akisussaaffeerutissanngilaq. Aalajangersakkami aamma qulakkeerneqassaaq, piginnittup  
immikkut angallammik angallatikumilluunniit oqartussanut akisussaatisilersinnaassanngitsoq,  
assersuutigalugu angallat angallatikorluunniit nakkutigineqartariaqarpat  
aserfallatsaaliorneqartariaqarpalluunniit imaluunniit pisariaqartumik inuttaqaanngippat.

”Angallannerup nalinnginnaasumik nalinginnaasumik ilaatut” imatut paasineqassaaq,  
immakkut angallatit piffissami sivikinnerusumi umiarsualivimiittut, assersuutigalugu  
aalisariutit piffissap aalisarfiusup avataani imaluunniit takornariartitsinermi angallat piffissap  
takornariartitsiviusup avataanni umiarsualivimmiittut. Tassani piumasaqaataavoq angallat  
tamakkiisumik angalasinnaassasooq aammalu Umiarsualivinni Oqartussanit akuersissummik  
siumut pissarsisoqarsimanisaa. Aammattaaq pineqarsinnaapput angallatit nutartigassat  
imaluunniit angallatip timaa, maskiinai, atortui assigisaallu iluarsarneqarneqartussat. Tassani  
aamma piumasaqaataavoq Umiarsualivinni Oqartussanit akuersissummik siumut  
pissarsisoqarsimanisaa. Aammattaaq angallatip nutarternissaanut iluarsaanissaanullu  
suliniuteqavittoqarsimassaaq.

Akisussasup imm. 1 malillugu qanoq sivisutigisumik piffissalerneqarnissaanik nalilersuinermi ilaatigut ilaassaaq angallannerup isumatsaasuunissaata, angallatip aserfallatsagaaliugaarnerat, inuttat piginnaasaasa aammalut angallatip angalasinnaanissaata mianerineqarnissaat kiisalu angallat avatangiisit ajoquserneqariaannaat eqqaaniinnersoq. Tassa ilaatinneqanngillat pissutsit pinngitsoortinneqarsinnaanngitsut, taamaalilluni immikkorluinnaq pisoqarnera pineqassalluni, assersuutigalugu angallammik ikuallattoortoqarunnaarnerani akisussaasup angallat nammineq akilikkaminik isumagissavaa.

Naleqquttumik piffissaqartitsinissap qanoq paasineqarnissaanut pissusiviit apeqqutaassapput. Nalinginnaasumik sapaatit akunnerinik arfinilinniit aqqaneq marlunnut piffissaqartitsineq angallatip peerneqarnissaata aallartinneqarnissaanut piffissaq naleqqutissaaq. Assersuutigalugu piaarnerpaamik qanoq iliuuseqartoqanngippat silap pissusaa pissutigalugu angallat umioriaannaappat piffissaq sapaatit akunnerinik arfinilinnit sivikunnerusinnaavoq. Aammattaaq assersuutigalugu sapaatit akunneriinik arfinilinnit aqqanneq marlunnut piffissarititap iluani naleqquttumik ikiuisussaqaanngippat umioriaataarsinnaaneq annikillisinnaarlugu angallatip ikkarlissimasup peernissaanut ulinnerpaaffiata utaqqineqarnissaa naleqquppat sivisunerusumik piffissaqartitsisoqarsinnaavoq. Aammattaaq uppersarnerneqarsinnaappat kingusinnerusukkut peerneqarneratigut aningaasartuutit appasinnerungaassasut sivisunerusumik piffissaqartitsisoqarsinnaavoq. Taamaalilluni umiarsualivimmi § 7, imm. 1 naapertorlugu angallatip uningatinneqarnissaanut pisussaaffeqartumi pissutsit mianerineqarsinnaapput. § 7-imut nassuiaatit innersuussutigineqarput.

#### Imm. 2.

Immakkut angallammut angallatikumulluunniit akisussaasup ilisimaneqannginera imm. 2-mut ilanngunneqarnissaa pisariaqartutut isigineqarpoq. Aamma immikkoortumut 2.2-mut Peerneqarnerat nalunaaqutsernerallu oqaaseqaatit nalinginnaasut innersuussutigineqarput.

Immakkut angallammut angallatikumulluunniit akisussaasoq kinaanersoq Umiarsualivinni Oqartussat ilisimappassuk pineqartumut saaffiginnittoqassaaq, tak. imm. 1. kisiannili assersuutigalugu pineqartup sumiinnera najugaalu ilisimaneqanngippata immakkut angallammut angallatikumulluunniit akisussaasoq Umiarsualivinni Oqartussat kinaassusersisinnanngippassuk, peqqusinermik nalunaaruteqarnissamik suliaqarneq kinguarsarneqassanngilaq.

Aalajangersagassatut siunnersuutigineqartumi qulakkeerneqarpoq immakkut angallatip angallatikulluunniit peerneqarnissaanik peqqusineq akisussaasumut angallammi allagartaliinikkut kiisalu nuna tamakkerlugu aviisitigut ujarlerluni nalunaaruteqarnikkut nalunaarutigineqarsinnaasoq.

#### Imm. 3.

Imm. 1-imut sanilliullugu imm. 3-mi immakkut angallatip taassumaluunniit ilaata umiunissaa annertuumik ulorianaateqarpat, imaluunniit imaani isumannaallisaanermut umiarsualiviulluunniit atorpeqarneranut nalinginnaasumut annertuumik ajoqutaappat, Umiarsualivimmi Oqartussaasut siumoortumik peqqusinertaqanngitsumik akisussaasuusullu akiligaanik immakkut angallatip angallatikulluunniit peertinnissaanut periarfissinneqarput. Immakkut angallat angallatikorluunniit umiarsualiviup nalinginnaasumik atorpeqarneranut annertuumik ajoqutaassaaq, assersuutigalugu imakkut angallat angallatikorluunniit umiarsualiviup kraniata atorpeqarnissaanut akornutaappat, imaluunniit umiarsualivimmi inuussutissarsiornermi suliaqarnernut allanut akornutaappat, taakkunungalugu umiarsualivimmi pisinnaasat killeqarnerat peqqutigalugu talittarfiup ulluinnarni tamakkiisumik atorpeqarneraqera ilaatinneqarpoq.

Umiarsualivimmi Oqartussaasut aalajangersagaq malillugu immakkut angallatip angallatikulluunniit siumoortumik ilisimatitseqqaarani peernissaanut pisinnaatitaaffiat, inatsisitigut tunngasissatut tullertut atorpeqassaaq, imm. 1 aamma 2 naapertorlugu peqqussuteqarneq ajornartinnagu atorpeqartussaammat.

Siunnersuutip kingunerisaanik Umiarsualivimmi Oqartussaasut immakkut angallat umiunissamut annertuumik ulorianartorsiorfillugu, imaluunniit imaani angallannermi isumannaallisaanermut umiarsualiviulluunniit atorpeqarneranut nalinginnaasumut annertuumik akornutaatillugu, ullumikkornit siusinnerusumik iliuseqarsinnaapput.

Umiarsualivinni oqartussaasut immakkut angallammik angallatikumilluunniit peersinerat, ingerlatsinermi inatsisini annertussusissamut tunngaviusut tunngavigalugit immakkut angallatip umiunissamut annertuumik ulorianartorsiorneranit, imaluunniit imaani angallannermi isumannaallisaanermut umiarsualiviulluunniit atorpeqarneranut nalinginnaasumut annertuumik akornutaanermut annertunerussanngilaq. Annertussusissamut tunngaviusut immakkut angallatip peerneqarneranut, taamatullu aningaasaqarnermi aningaasartuutitut atuuppoq.

Immakkut angallatip angallatikulluunniit peerneqarnerani inatsisit tunngavigalugit peqqussuteqarneq, akisussaasuusup naammassinngisaa naammassiniarneqarpat, imaluunniit Inatsisartut Inatsisaat naapertorlugu iliuseqarnissamut pisussaaffiit allat naammassiniarneqarpata, iliuseqarneq nalinginnaasumik naammaginatutut annertussusilittullu isigineqartariaqarpoq. Kisiannili Umiarsualivinni Oqartussaasut pisumi aalajangersimasumi immakkut angallat umiunissamut annertuumik ulorianartorsiornersoq, imaluunniit imaani angallannermi isumannaallisaanermut umiarsualiviulluunniit atorpeqarneranut nalinginnaasumut annertuumik akornutaanersoq naliliiffigissallugu suliaassaraa.

Pisut amerlanersaanni immakkut angallatip angallatikulluunniit imm. 1 aamma 2 naapertorlugit siumoortumik ilisimatitsinertaqanngitsumik peerneqarnissaanut tunngavissat

nalornineqartussaangillat. Nalornisoqartillugu eqqarsaatigineqassaaq, immakku angallatip angallatikulluunniit peerneqarnissaanut piffissaq sivitsoriartortillugu, immakku angallatip angallatikulluunniit umiunissamut annertuumik ulorianartorsiorneranut, imaluunniit imaani angallannermi isumannaallisaanermut umiarsualiviulluunniit atorneqarneranut nalinginnaasumut annertuumik akornutaaneranut, taamaattumillu siumoortumik peqqusinertaqanngitsumik iliuuseqarnissap pisariaqarneranut tunngavilersuinissaq ajornarsiartortussaammat.

Akisussaasuusup kinaanera uppernarsarneqarsinnaasoq paasineqarpat, Umiarsualivimmi Oqartussaasut kalaallit inatsisaanni taarsiinissamut maleruagassani nalinginnaasuni tamatumunnga aalajangersakkat atuuttut naapertorlugit aningaasartuutit akilerneqartut matussuserneqarnissaat piumasarisinnaavaat.

Umiarsualivimmi Oqartussaasut sapinngisamik aningaasartuutit akilikkat matussuserinniassagaat naatsorsuugineqarpoq, taakkunungalu akisussaasuusup akiliisinnaajunnaarsimappat piumasaqaateqarluni nalunaaruteqarnissaq, imaluunniit pisariaqartillugu akisussaasuusup kinaanera ilisimaneqarpat eqqartuussisulersuussisinnaaneq ilaatinneqarput. Kisiannili Inatsisartut inatsisissaattut siunnersuummi matumani Umiarsualivimmi Oqartussaasut immakku angallammik angallatikumilluunniit peersinisamik aallartitsinissaannut akisussaasuusup nassaarineqarsinnaanissaata piumasaqaataannginnissaa siunertaasunut ilaavoq.

Imm. 3-p atorneqarnerani Umiarsualivimmi Oqartussaasut § 5, imm. 1 aamma 2 imaluunniit § 6 naapertorlugit peqqusisinnaanerat akornusersimaneqanngilaq. Tamatumani immakku angallatip imaluunniit angallatikup oqartussaasut akuliunnerisa nalaanni § 5, imm. 1-ip aamma 2-p imaluunniit § 6-ip ataani inissisimaneq pingaarnertuvoq. Umiarsualivimmi Oqartussaasut aningaasartuutaat toqqaannartut toqqaannangitsullu tamarmik akisussaasuusumit matussuserneqarnissaat piumasarineqarsinnaavoq. Taamaalilluni toqqaannartumik aningaasartuutit, soorlu immakku angallatip angallatikulluunniit nakkutigineqarneranut, umiarsualivimmut qaqinneqarneranut, nalunaaqutserneqarneranut, atortuinut, upalungaarsimanermi akiuiniarnermilu suliniutinut, taamatullu oqartussaasut suliamik allaffissornikkut suliarinninneranut toqqaannanginnerusumik aningaasartuutit matussuserneqarnissaat piumasarineqarsinnaavoq.

Imm. 4.

Immakku angallammut angallatikumilluunniit akisussaasuusup pingaarnertut immakku angallatip angallatikulluunniit peerneqarnissaa pillugu oqaasiinnaat atorlugit ilisimatinneqartarnissaa, tamatumalu peqatigisaanik imm. 3 naapertorlugu iliuuseqarnerup naammassineqartarnissaa aalajangersakkami aalajangerneqarpoq.

Kisiannili immakku angallat umiunissamut annertuumik ulorianartorsiorpat, imaluunniit imaani angallannermi isumannaallisaanermut umiarsualiviulluunniit atorneqarneranut

nalinginnaasumut annertuumik akornutaappat, siumoortumik peqqussuteqaqqaarani immakut angallatip peerneqarnissaa taamaallaat imm. 3 naapertorlugu pisinnaasoq eqqarsaatigalugu, suliap peqatigisaanik akisussaasuusumut ilisimatitsinissaq ajornartoq ajornakusoortorujussuorluunniit paasineqarpat, siumoortumik iisimatitsinissaq atunngitsoorneqarsinnaavoq. Akisussaasuutumut attaveqarnissamut paasissutissanik tamanit pissarsiarineqarsinnaasunik peqartoqanngippat, imaluunniit Umiarsualivimmi Oqartussaasut akisussaasuusooq najukkami oqarasuaatilluunniit normuani ilisimaneqartumi pissarsiarisinnaanngippassuk, iliuseqarnermut peqatigitillugu ilisimatitsinissaq ajornakusuungaatsiarsinnaavoq.

Tamatuma kingorna iliuseqarnissamut aalajangiinermik oqaasiinnaat atorlugit nalunaarfigineqartoq, aalajangiineq imm. 1-2-mik saneqqutsinissamut tunngavilersuutitaqartinneqartoq pillugu allakkatigut nalunaarfigineqarnissamik piunasaqarsinnaavoq. Aalajangiinermik allaganngorlugu piunasaqaat angallatip peerneqarnissaa ullunik 14-inik sioqqullugu Umiarsualivimmi Oqartussanut saqqummiunneqassaaq.

Imm. 5.

Imm. 5-imi immakut angallammik piginnittup ilisimaneqannginnerata ilaatinneqarnissaa pisariaqartinneqarpoq. Aammattaq immikkoortumut 2.2-mut Peerneqarnera nalunaaqutsiinerlu nassuiaatit nalinginnaasut innersuussutigineqarput.

Immakut angallammut akisussaasuusooq kinaanersoq Umiarsualivinni Oqartussaasunit ilisimaneqarpat, iliuseqarnermut peqatigitillugu ajornartinnagu akisussaasuusooq oqaasiinnaat atorlugit nalunaarfigineqassaaq, tak. imm. 4. Kisiannili immakut angallat umiunissamut annertuumik ulorianartorsiorpat, imaluunniit imaani angallannermi isumannaallisaanermut umiarsualiviulluunniit atornerqarneranut nalinginnaasumut annertuumik akornutaappat, Umiarsualivimmi Oqartussaasut immakut angallammik angallatikumilluunniit piginnittup kinaaneranik paasinninnissamut periarfissaqannginnerat, soorlu pineqartup sumiiffia najugaalu ilisimaneqartinnagu, tamanna suliamut kinguarsaataassanngilaq.

Aalajangersakkami siunnersuutigineqartumi Umiarsualivinni Oqartussaasut imm. 3 naapertorlugu immakut angallatip peerneqarnissanik aalajangernerat pillugu immakut angallammut angallatikumilluunniit akisussaasuusumut immakut angallammi allagarsiinikkut imaluunniit nuna tamakkerlugu inuttassarsiuilluni nalunaarutigineqarsinnaanissaa qulakkeerneqarpoq.

#### *§ 6-imut*

Aalajangersakkami ersippoq, immakut angallannerup isumannaatsuunissaa, angallatip isumannaatsuunissaa avatangiisillu ajoquserneqannginnissaat qulakkeernissaat siunertaralugu piginnittup akiligassaanik Umiarsualivinni Oqartussat iliuseqarallarsinnaasut.

Aalajangersakkap atorneqarnerani piumasaqaataaangilaq immakkut angallatip angallatikulluunniit peerneqarnissaanik inaarutaasumik aalajangiisoqassasoq, iliuuserigakkalli peerneqarnissaanik piareersaanerit ilagisinnaavaat.

Umiarsualivinni Oqartussat aningaasartuutaasa tamarmik, toqqaannartut toqqaannangitsullu, akisussaasumit matussuserneqarnissaannik piumasaqaateqartoqarsinnaavoq. Taamaalilluni assersuutigalugu immakkut angallammik angallatikumilluunniit nakkutiginninnermut, umiarsualivimmi inissiinnermut, nalunaaqutsiinnermut, atortunut aningaasartuutit toqqaannarnerusut, sillimaniarnermi akiuinnermilu iliuutsinut aningaasartuutit, aamma oqartussat suliamik allaffissornikkut suliarinneranni aningaasartuutit toqqaannanginnerusut, matussuserneqarnissaat piumasaqaataasinnaavoq. Oqaatigineqassaaq, pingaartumik angallatit anginerusut 200 bruttonsinit anginerusut pillugit angallatip passunissaanut suliffeqarfii nunanit allaneersut atorneqarnissaat pisariaqarsinnaasoq, tassa kraanit nunatsinni pigineqartut taamaallaat angallatit aalajangersimasumik angissusillit tikillugit kivitsisinaanmmata.

#### *§ 7-imut*

Imm. 1.

Immakkut angallatinik inissiinnermi kiisalu angallatikunik il.il. inissiinnermi siumut akuersisoqarsimanissaa piumasaqaataavoq. Nakkutilliinissaq pillugu kiisalu ajortoortoqariataarsinnaanera pinngitsoorniarlugu iliuusissat aallartinneqarnissaat pillugu Umiarsualivinni Oqartussat piumasaqaateqarsinnaapput. Angallatit atortulluunniit puttasut inissinneqartussat Umiarsualivinni Oqartussat kissaatigisaat pillugit tunngaviusumik piumasaqaataasinnaavoq angallatip atortorluunniit puttasup umiarsualivimmukaativinneqarsinnaanera. Taamaammatt imm. 1-imi aalajangersarneqarpoq angallatit atortulluunniit puttasu § 5, imm. 1 aamma § 6 naapertorlugit peerneqartut tigusinnaannut umiarsualiviit pisussaaffeqartut.

#### *§ 8-mut*

Immakkut angallatit angallatikulluunniit aningaasatigut nalingeqanngitsut peerneqarnissaannut Umiarsuavilinni Oqartussat aalajangersakkakkut pisinnaatinneqarput. Peerneqarnerat imatut paasineqassaaq aserorterineq imaluunniit immakkut angallammik angallatikumilluunnit allatut suujunnaarsitsineq.

Naliliisoqarpoq immakkut angallat angallatikorluunniit naleqanngippat imaluunniit nalingata pinngitsaaliissummik tuisinnermi aningaasartuutissat missingerneqartut qaanginnippatigit eqqartuussisoqarnermi sulineq pillugu malittarisassat naapertorlugit Umiarsualivinni Oqartussat pinngitsaaliissummik tuniniaatitsissappata siunertaqassanngitsoq isumalluutinillu pisariaqanngitsumik atuiupiluttoqassasoq.



Piomasqaataavoq immakut angallatip angallatikkuuunniit peerneqarnissaanik peqqusisoqareersimassasoq, tamannalu naleqquttut piffissaritatut aalajangersakkap iluani malinneqarsimassanngitsoq.

Piomasqaataavoq angallatip pigininnittuanut qulanaveeqqusiisimasinnaasunulluunniit angallatip nalinga peerneqarnerani annikillisinneqassanngitsoq. Aalajangersakkami pingaartumik pineqarput immakut angallatip peerneqarneranni aningaasartuutit nalingata qaanginnikkai imaluunniit immakut angallatip tuninerani akia immakkullu angallatip aserorternerani pissarsiaasinnaasut assigiinnigissuteqarpiannngitsut.

Immakut angallatip angallatikkuuunniit Umiarsualivimmi Oqartussanit peerneqarsinnaaneranut piomasqaataavoq naliisartumit sumulluunniit attuumassuteqanngitsumit nalunaaruteqartitsisimanissaq taassumaluunniit naliliisimanissaa, tassani ersissalluni immakut angallat angallatikorluunniit naleqanngitsoq imaluunniit nalingata tunisinermi aningaasartuutissatut missingerneqartut qaanginnikkaat.

Immakut angallatip angallatikkuuunniit peerneqarnerani aningaasartuutit immakut angallammik angallatikumilluunniit akisussaasup akilissavai.

Immakut angallammik akisussaasoq mianeriniarlugu angallatip peerneqarnerani aaqqiissut akikinnerpaaq Umiarsualivinni Oqartussat toqqassavaat. Tamanna kinguneqarpoq umiarsualivinni oqartussat aningaasartuutit pissutigalugit immakut angallatip aserorterneqarnissaa siunertarlugu immakut angallammik nunanut allanut assartuisup takussutissamik akilerneqarnissaa toqqarsinnaagaat, tassanilu immakut angallammik ingutseriaannarmi siasat samerngillu aserorternermi akii suliffeqarfiup iluanaarutigissallugit. Taamatut periuseqarneqarnermi immakut angallammik akisussaasup aammalu Umiarsualivinni Oqartussat soqutigisaattut isigineqarpoq, tassa angallatip ingutseriaannaap peerneqarnerani aningaasartuutit annertuut taamaaliornikkut sipaarneqassammata. Taamatut periuseqarnermi piomasqaataavoq pisinissamik soqutiginnittoqarnissaa uanilu immikkut eqqarsaatigineqarluni pingaartumik angallatintut sisannut angerusunut (100-400 BRT) atoneqassasoq, kisiannili immakut angallatinik ingutseriaannarnik allanik soqutiginnittoqassappat tassunga killiliisoqarani.

#### *§ 9-mut*

##### **Imm. 1.**

Aalajangersagassatut siunnersuutigineqartut qulakkeerneqarpoq piginnittoq pisinnaatitaaffeqartutullu ilisimaneqartut tamarmik immakut angallat angallatikkorluunniit eqqarsaatigalugu pisinnaatitaaffeqartut pisussaaffeqartulluunniit peerneqaranni kalluarneqartussatut ilimagineqartut immakut angallatip angallatikkuuunniit peerneqarnissaanik eqqarsaateqarnermik allaganngorlugu nalunaarfigineqassasut.

Nalunaaruteqarnissamik piumasagaamma siunertaavoq piginnittoq pisinnaatitaaffeqartulluunniit pisariaqartumik ilisimatinneqarsimangippata imaluunniit immakku angallatip isumaginissaanut periarfissaqarsimatinnagit imaluunniit Umiarsualivinni Oqartussat pilersaarutaat pillugit akerliliisimatinnagit peerneqannginnissaasa qulakkeerneqarnissaa, tassunga ilanngullugit assersuutigalugu angallatip immakku angalanerup nalinginnaasup ilaatut umiarsualivimmiinneranik imaluunniit immikkorluinnaq pisoqarnerata tamanna pisariaqartikkallaraa nassuiaanissaq, tak. § 5.

Imm. 2.

Immakku angallammik piginnittup kinaanera ilisimaneqanngippat imm. 2-p ilanngunneqarnissaa pisariaqartutut isigineqarpoq. Immikkoortoq 2-2-mut Peerneqarnerat nalunaaqutsiinerlu oqaaseqaatit nalinginnaasut aammattaaq innersuussutigineqarput.

Aalajangersagassatut siunnersuutikkut qulakkeerneqarpoq, immakku angallatip angallatikulluunniit peerneqarnera immakku angallammi angallatikumiluunniit allagarsiinikkut kiisalu nuna tamakkerlugu aviisitigut inuttassarsiuilluni nalunaaruteqarnikkut piginnittumut nalunaarutigineqassasoq.

Nuna tamakkerlugu aviisini inuttassarsiuilluni nalunaaruteqarnissamik piumasagaammi siunertaavoq pisinnaatitaaffeqartup pisariaqartumik ilisimatinneqarsimangippat imaluunniit immakku angallatip isumaginissaanut periarfissaqarsimatinnagit imaluunniit Umiarsualivinni Oqartussat pilersaarutaat pillugit akerliliisimatinnagit peerneqannginnissaasa qulakkeerneqarnissaa, tassunga ilanngullugit assersuutigalugu angallatip immakku angalanerup nalinginnaasup ilaatut umiarsualivimmiinneranik imaluunniit immikkorluinnaq pisoqarnera-ta tamanna pisariaqartikkallaraa nassuiaanissaq.

Immakku angallammik kina piginnittuunersoq Umiarsualivinni Oqartussat ilisimappasuk pineqartumut saaffiginittoqassaaq, tak. imm. 1. Tamassumanili kisiannili assersuutigalugu pineqartup sumiinnera najugaalu ilisimaneqanngippata immakku angallammik angallatikumilluunniit piginnittoq Umiarsualivinni Oqartussat kinaassusersisinnangippassuk, peqqusinermik nalunaaruteqarnissamik suliaqarneq kinguarsarneqassanngilaq.

Imm. 3.

Aalajangersakkami qulakkeerneqarpoq Umiarsualivinni Oqartussat aalajangigaannik Naalakkersuisunut maalaaruteqarnissamik Naalakkersuisullu aalajangigaannik Kalaallit Nunaanni Eqqartuussivimmut suliassanngortitsinissamik siunertaq, piffissarititaq naatinngu angallatip peerneqareerneratigut maangaannartinneqassanngitsoq.

#### *§ 10-mut*

Imm. 1.

Akisussaasup piffissaritatut peqqussutaasup iluani angallat pinngippagu immakkt angallatip, angallatikup, tassungalu ilanngullugit tipinikut, tamanut ammasumik kaattaasinikkut tunineqarnissaanniik Umiarsualivinni Oqartussat imm. 1 malillugu aalajangiisinaapput.

Imm. 2.

Angallatip piginnittua ilisimaneqannginnera imm. 2-mi ilanngutissalugu pisariaqartutut isigineqarpoq. Aammattaaq immikkoortumut 2.2-mut Peerneqarnera nalunaaqutsiinerlu nassuiaatit nalinginnaasut innersuussutigineqarput.

Angallatip piginnittua kinaanersoq Umiarsualivinni Oqartussat ilisimappassuk pineqartumut saaffiginnittoqassaaq, tak. imm. 1. kisiannili assersuutigalugu pineqartup sumiinnera najugaalu ilisimaneqanngippata immakkt angallammik angallatikumilluunniit piginnittoq Umiarsualivinni Oqartussat kinaassusersisinnanngippassuk, peqqusinermik nalunaaruteqarnissamik suliaqarneq kinguarsarneqassanngilaq.

Aalajangersagassatut siunnresuutigineqartumi qulakkeerneqarpoq immakkt angallatip angalatikulluunniit peerneqarnissaanik peqqusineq angallammik allagartaliinikkut kiisalu nuna tamakkerlugu aviisitigut nalunaaruteqarnikkut nalunaarutigineqarsinnaasoq. Oqaatigineqassaq pinngitsaaliissummik tunisisarneq pillugu eqqartuussisoqarnermi sulineq pillugu inatsimmi malittarisassat naapertorlugit pisinnaatitaaffeqarsinnaasut pinngitsaaliissummik tunisineq pillugu nalunaarfigineqassat.

Imm. 3.

Aalajangersakkap kinguneraa pinngitsaaliissummik tuninissamik Umiarsualivinni Oqartussat pinngitsaaliissummik tunisinissaq tunisisarneq pillugu Kalaallit Nunaannut eqqartuussisoqarnermi sulineq pillugu inatsimmi malittarisassat malillugit pinngitsaaliissummik piviusunngortinneqarsinnaasoq, tak. kapitali 48. Umiarsualivinni Oqartussat pinngitsaaliissummik tunisinissamik aalajangiinerat nammineq pinngitsaaliissummik tunisinissamat inatsisitigut atuutitamik tunngavisoq aammalu Umiarsualivinni Oqartussat tamanna pitinnagu eqqartuussivimmi aalajangiisitsinissaat pisariaqanngilaq.

#### *§ 11-mut*

Imm. 1.

Aalajangersakkami erseqqissarneqarpoq sumiiffinni umiarsualiveqarfinni aalajangiineri, tak. § 4, nr. 4, Naalackersuisunut naammagittaalliutigineqarsinnaasut. Tamassuma kinguneraa avataaneersunut suliamik ingerlatsisussanngortitsisoqarnikuugaluartoq innuttaasut inatsisitigut innarlitsaaliugaanerisa qulakkeerneqarnera, tassa sumiiffinni umiarsualiveqarfinni oqartussat aalajangiinerat pillugu naammagittaalliut Naalackersuisut suliarissammassuk.

Aalajangersakkami aamma erseqqissarneqarpoq, umiarsualiveqarfinni namminersortuni Umiarsualivimmi Oqartussat aalajangiineri Naalackersuisunut naammagittaalliutigineqassasut. Tamassumani inatsisissatut siunnersuut manna naapertorlugu umiarsualivinni namminersortuni Umiarsualivimmii Oqartussat aalajangiisinnaaneranik pisinnaatitsisoqaraluartoq, innuttaasut inatsisitigut innarlitsagaaliugaanerit qulakkeerqarpoq.

Oqaaseq aalajangiineq ingerlatsinermut inatsisini nalinginnaasuni aalajangiisarnerit nalingattut paasineqassaaq. Ingerlatsinermut inatsisini aalajangiineq tassaavoq aalajangiineq, innuttaasunut tunngatillugu suut pisinnaatitaaffiunersut pisinnaatitaaffiususaanersulluunniit illuatungaannarsiortumik aalajangersarneqartoq. Umiarsualivinni Oqartussaasut suliat ingerlanerini aalajangiineri, tassalu suliani sullissinermut atatillugu aalajangiineri, soorlu ilisimatitsiniarluni iliuseqarnerit, suliamut qanippallaarnermut naliliinerit piginnaatitaaffinnullu apeqqusiinerit maalaarutigineqarsinnaanngillat. Innuttaasoq suliat ingerlanerini aalajangiinerit kukkusumik ingerlanneqartut pillugit maalaaruteqarniaruni, innuttaasup suliami inaarutaasumik aalajangiinissaq utaqqissavaa, tassanilu aalajangiinerup kukkunera nalunaarutigissavaa, assersuutigalugu suliap ingerlanerani aalajangiinerit kukkusimammata. Suliap ingerlanerani, suliap ingerlanera pillugu aalajangiinermut tunngatillugu toqqaannartumik maalaaruteqartoqarsinnaanngilaq.

Umiarsualivinni Oqartussaasut § 5, imm. 1 aamma 2 naapertorlugit immakkut angallatip angallatikulluunniit peerneqarnissaanut peqqussuteqarnerat, kiisalu siumoortumik peqqussuteqarani aammalu § 5, imm. 3 naapertorlugu akisussaasuusup akiligaanik immakkut angallatip angallatikulluunniit peerneqarnissaanut aalajangiinerat aalajangiinerusussaavoq siunnersuummik tunngaveqartoq.

Umiarsualivinni Oqartussaasut immakkut angallatip angallatikulluunniit § 6 naapertorlugu pisariaqartinneqartunik atortulerlugu isumagineqarnissaanut, qaqqinneqarnissaanut, nalunaaqutserneqarnissaanut atortulernerneqarnissaanullu aalajangiinerat § 5 naapertorlugu peqqussuteqarnermut atatillugu suliamut ilaasutut isigineqarsinnaagaluartoq, aalajangiineq innuttaasumut akuliunnerusussaavoq, Umiarsualivinni Oqartussaasut aalajangiinermikkut innuttaasut aningaasartuuteqartittussaagamikkit. Taamaattumik matumani aalajangiineq siunnersuummik tunngavilik pineqarpoq.

Umiarsualivinni Oqartussaasut §§ 8 aamma 10, imm. 1 aamma 2 naapertorlugit immakkut angallammik angallatikumilluunniit peersinissamut pinngitsaaliissummillu tunisinissamut aalajangiineri aalajangiinerupput, siunnersuummik tunngaveqartut.

§ 9 naapertorlugu immakkut angallammik angallatikumilluunniit peersinissaq matuma siuliani taaneqartoq pillugu akisussaasuusumut pisinnaatitaaffeqartunullu ilisimaneqartunut tamanut nalunaaruteqartarnerit suliap ingerlanerani aalajangiinerupput, immikkoortillugit maalaarutigineqarsinnaanngitsut.

Imm. 2.

Taaguummut ”soqutigisaqavissoq” tunngaviuvoq naammagittaalliorsinnaatitaanerup siunertaanik nassuiaaneq.

Aqutsineq pillugu inatsisini taaguut illuatungerisaq, kiap immikkut suliamik soqutigisaqartuuneranik ilitsersuutitut atorneqarsinnaavoq. Aqutsineq pillugu inatsisini taaguummi illuatungerisami ilaapput naammagittaalliortut allallu suliami aalajangiinermi annertuumik soqutigisaqartut. Oqaatsimi ”naammagittaalliortut”, pineqarput inuit naammagittaalliorsinnaatitaasutut namminneq pillutik suliamik allat aalajangigaannik suliareqqitassanngortitsiviusartumut naammagittaalliornerat. Aammali inuit inerteqqutigineqarfiusut inerteqquteqarfigineqartussalluunniit imaluunniit peqquneqartut peqquneqartussalluunniit suliami pineqartumi akuusutut inissisimasinnaapput. Taaguummi illuatungerisaq ilaagajuppoq aalajangiinermi pineqartoq aammali inuit imaluunniit inatsisit tunngavigalugit inuit suliami akuusutut inissisimasinnaapput.

Inuup suliami akuusuutut isigineqarsinnaanera nalornissutigineqalerpat pingaartumik pineqartupsuliamik soqutigisaqarnera qanoq pingaaruteqartiginersoq soqutiginninnerlu taanna suliap inernerisassaanut qanoq tunngatiginersoq. Taaguummi illuatungerisaq aallaaviumik ilaavoq, inuup suliamut ingerlasumut aalajangiiffigineqarsimasumulluunniit soqutiginninnera imatut annertutiginersoq, aqutsineq pillugu inatsisini malittarisassat nalinginaasut tunngavigalugit pineqartoq aalajangiinermik suliareqqitassanngortitsiviusartumut naammagittaalliorsinnaatitaalluni imaluunniit suliamik eqqartuussivimmut suliassanngortitsisinnaalluni.

Tamassuma kinguneraa immakkut angallammik angallatikumilluunniit akissussaaq tamatigut soqutigisaqartuviusoq, pisinnaatitaaffeqartullu immakkut angallat angallatikorluunniit eqqarsaatigalugu piginnaatitaaffii pisussaaffiiluunniit aalajangiinermiit kallarneqartussatut ilimagineqartariaqartut soqutigisaqavittuusut.

Imm. 3.

Aalajangiinerup naammagittaalliutigineqartup pineqartumut annngutereerneranik naammagittaaliornissamut sapaatit akunnerinik sisamanik piffissaliisoqassasoq aalajangersarneqarpoq. Kalaallit Nunaanni inuit agguataarnerat nunallu pissusaata immikkut ittut aalajangiiffigi-neqartumut ajoqutaanngissaat mianeriniarlugu taamatut oqaasertaliineq atorneqarpoq.

Aalajangiineq allaganngorlugu ”angussimassaaq” tiguisoq pissutsit nalinginnaatillugit aalaajangiinerup imarisaanik paasinninnissamut periarfissaqarsimagaangat. Tamassuma kinguneraa, aalajangiinerup Inatsisartut inatsisaat manna naapetorlugu angussimasutut isigineqassasoq tiguisumut tunniunneqarsimappat imaluunniit allakkanik nakkartitsivimmut allakkanilluunniit ilisivimmut nakkartinneqarsimappat. Postboksi allakkerfisarfimmi

ullormut allakkat tiguneqartut katersuuffigineqartarfianniittoq aamma taamutut isigineqarpoq. Aammattaaq sumiiffinni allakkerisarfeqanngitsuni sumiiffinni toqqakkani allakkat aaneqarfissaanni POST Greenlandip suleqatai taamatut isigineqassapput. Allagaq piffissap allaffiup ammarfiata kingorna tunniunneqartoq, pissusiviit takutinngippassuk allagaq siusinnerusukkut aaneqarsimasoq, aatsaat ullup tulliani ullormi suliffiusumi anngussimasutut isigineqassaaq.

Aalajangiinermik e-mailikkut, telefaxikkut assigisaatigulluunniit nassiussinermi, teknikkikkut ajornartorsiuteqartoqanngippat, ulloq unnuarlu qaqugukkulluunniit tiguisumut nassiunneqarsinnaavoq. E-mailit il.il. uppersaasiormi iluaqummik kinguneqassapput, tamatigit takuneqarsinnaammat nalunaarut tiguisumut qaqugukkut anngussimanersoq. Aamma emailikkut il.il. nassitsinermi aallaaviuvoq, aalajangiinerup allaffiup nalinginnaasumik ammanerani anngussimanissaa.

§ 5, imm. 3 naapertorlugu immakut angallatip angallatikulluunniit siumoortumik piunasaqaatitaqanngitsumik peerneqarnera pillugu maalaaruteqarnissamut piffissarititaasoq, ullormi § 5, imm. 4 naapertorlugu immakut angallatip angallatikulluunniit peerneqarnissaanik Umiarusalivinni Oqartussaasut aalajangiinerat pillugu oqaasiinnaat atorlugit immakut angallammut akisussaasuumut nalunaarutigineqarfiani, imaluunniit ullormi § 5, imm. 4 naapertorlugu immakut angallammut angallatikumulluunniit akisussaasusup sumiiffia Umiarsualivinni Oqartussaasunit ilisimaneqartinnagu nuna tamakkerlugu aviisitigit inuttassarsiuffiusumi aallartissaaq.

### *§ 12-imut*

Imm. 1.

Aalajangiinerup Kalaallit Nunaanni Eqqartuussivimmuq suliasanngortinnissaanut piunasaqaataavoq, Umiarsualivinni Oqartussat aalajangiinerat § 11-mi malittarisassat naapertorlugit Naalakkersuisunut naammagittaalliutigineqarsimanissaa. Umiarsualivinni Oqartussat aalajangiinerat Naalakkersuisunut naammagittaalliutigineqarsimanngippat, suliaq Kalaallit Nunaanni Eqqartuussiviup illuatungeriinnit kaammattorneqaaqqaarani itigartissavaa.

Taaguummumut "soqutigisaqavinneq" eqqartuussivimmuq suliasanngortitsinermi siunertamik nassuiaaneq tunngaviussaaq. Tamassuma kinguneraa immakut angallammik angallatikumilluunniit akisussaaq tamatigit soqutigisaqartuviusoq, pisinnaatitaaffeqartullu immakut angallat angallatikorluunniit eqqarsaatigalugu piginnaatitaaffii pisussaaffiiluunniit aalajangiinermit kalluarneqartussatut ilimagineqartariaqartut soqutigisaqavittuusut.

Aammattaaq § 11, imm. 2-mut oqaaseqaatit innersuussutigineqarput.

Imm. 2.

Naalackersuisut aalajangiinerat kikkunnilluunniit tamassuminnga soqutigisaqartunit Kalaallit Nunaanni Eqqartuussivimmut suliarinnittussatut siullertut suliassanngortinneqarsinnaapput.

Kalaallit Nunaanni Eqqartuussivimmit aalajangigassanngortillugu suliassanngortitsinissamut piffissarititaq tassaavoq aalajangiinerup pineqartumut anngunnerata imaluunniit Umiarsualivinni Oqartussat akisussaasup kinaanera ilisimanngippassuk nuna tamakkerlugu aviisini nalunaaruteqareernerup kingorna sapaatit akunneri sisamat. Oqaasertaliussaq "anngunneranit" Kalaallit Nunaanni inuit agguataarnerat nunallu pissusaata immikkut ittut aalajangiiffigineqartumut ajoqutaannginissaat mianeriniarlugu taamatut oqaasertaliineq atorneqarpoq.

Aalajangiineq allaganngorlugu "anngussimassaaq" tiguisoq pissutsit nalinginnaatillugit aalajangiinerup imarisaanik paasinninnissamut periarfissaqarsimagaangat. Tamassuma kinguneraa, aalajangiinerup Inatsisartut inatsisaat manna naapertorlugu anngussimasutut isigineqassasoq tiguisumut tunniunneqarsimappat imaluunniit allakkanik nakkartitsivimmut allakkanilluunniit ilisivimmut nakkartinneqarsimappat. Postboksi allakkerisarfimmi ullormut allakkat tiguneqartut katersuuffigineqartarfianniittoq aamma taamatut isigineqarpoq. Aammattaaq sumiiffinni allakkerisarfeqanngitsuni sumiiffinni toqqakkani allakkat aaneqarfissaanni POST Greenlandip suleqatai taamatut isigineqassapput. Allagaq piffissap allaffiup ammarfiata kingorna tunniunneqartoq, pissusiviit takutinngippassuk allagaq siusinnerusukkut aaneqarsimasoq, aatsaat ullup tulliani ullormi suliffiusumi anngussimasutut isigineqassaaq.

Aalajangiineramik e-mailikkut, telefaxikkut assigisaatigulluunniit nassiussinermi, teknikkikkut ajornartorsiuteqartoqanngippat, ulloq unnuarlu qaqugukkulluunniit tiguisumut nassiunneqarsinnaavoq. E-mailit il.il. uppernarsaasiormi iluaqummik kinguneqassapput, tamatigit takuneqarsinnaammat nalunaarut tiguisumut qaqugukkut anngussimanersoq. Aamma emailikkut il.il. nassitsinermi aallaaviuvoq, aalajangiinerup allaffiup nalinginnaasumik ammanerani anngussimanissaa.

Aalajangiineq nuna tamakkerlugu nalunaarutigineqarsimappat, aalajangiinerup Kalaallit Nunaanni Eqqartuussivimmut suliassanngortinneqarnissaanut piffissarititaq, aalajangiinerup aamma allakkatigit nalinginnaasukkut nassiunneqarnera apeqqutaatinnagu, tassaavoq ulloq aviisip saqqummerfia.

### *§ 13-imut*

Imm. 1.

Aalajangersakkakut siunnersuutigineqarpoq, § 5 naapertorlugu peqqussutip malinneqannginnerani Kalaallit Nunaanni Pinerluttulerineq pillugu Inatsimmi aalajangersakkat malillugit akiliisitsinikkut pineqaatissiinissamik pisinnaatitsisoqassasoq.

Akiliisitsinerit qaffasissusiat imatut qaffasissuseqartillugit aalajangerneqassapput, akiliisitsinikkut pineqaatissiineq taamaalilluni sunniuteqartutut oqaatigineqarsinnaassalluni, unioqqutitsinermut naleqqutissasoq anusinngorsaataassallunilu. Sukannernerusumik sunniuteqassaaq immakku angallat qimaannarneqartoq imatut angitigisoq kalinneqarnissaa ajornakusoortoq pineqarpat. Angallatinik qimaannarneqarnikunik assersuutissaqarpoq, tamanna pillugu oqartussat peqqusigaluartut peerneqanngitsunik imatullu angitigisunik Kalaallit Nunaanni kraneqarani angallat kisivissappat qaqinneqarsinnaanatik. Angallat taamaattoq qimaannarneqarsimappat angallat maniillat imaluunniit silap anorillu pissusaata allat kingunerannik angallatip timaa putoriaannaalluni, tamassumalu kingunerissallugu angallatip peerneqarsinnaannginnera, tassa angallatip peerneqarnissaanut kraani kalittaat Kalaallit Nunaanni pigineqanngitsup angeqataa pisariaqassalluni.

Imm. 2.

Imm. 2-mi siunnersuutigineqarpoq inatsisit malillugit inuit akiliisinneqarsinnaassasut.

Imm. 3.

§ 11, imm. 2 aamma § 12, imm. 1 imminnut atatilersinniarlugit, taakku malillugit Inatsisartut inatsisaat naapertorlugu Kalaallit Nunaanni Eqqartuussivimmu suliaqarfissatut siullertut suliaassanngortinneqarsinnaallutik, siunnersuutigineqarpoq § 5, imm. 1 aamma 2 naapertorlugit peqqusinernik unioqqutitsinernut peqataatissiissutit pillugit suliat, aamma Kalaallit Nunaanni Eqqartuussivimmu suliaqarfissatut siullertut suliaassanngortinneqassasut.

Imm. 4.

Imm. 1 aamma 2 pineqaatissiilluni akiliutit Nunap Karsianut akilerneqartassapput.

#### *§ 14-imut*

Imm. 1.

Siunnersuutigineqarpoq Inatsisartut inatsisaat ulloq 1. januar 2018 atuutilersinneqassasoq.

Imm. 2.

Tassunga peqatigitillugu umiarsualivinni malittarisassat pillugit Namminersornerullutik Oqartussat nalunaarutaanni nr. 1, 4. januar 2000-imeersumi (umiarsualivinni malittarisassat) § 17 atorunnaarsinneqarpoq.

Imm. 3.

Umiarsualivinni malittarisassani aalajangersakkat allat atuutiinnassapput.